

樂成詩錄

國朝卷三

何英

字庚寅歲貢道光

孟樓潮韻



孟樓高聳逼龍堂
早夜潮聲入混茫
子午有時催粥鼓
東西隔浦答鳴榔
客舟出嶼江含白
塔影當階月正黃
試倚危欄傾耳聽
天風滿袖亦琅琅

林鳴球

字靜波 邑諸生

奇音竹

又名觀音竹 雁山五珍之一

竹豈當年嶰谷移
穿雲裂石發清奇
疎枝嫋嫋嘶風處
擊節聲聲入雨時
漫引柯亭傳異調
應隨班管和新詩
樂成詩錄 卷三

天然逸響知音少
流水高山翠自垂

鄭耀廷

字需人由廩 貢報捐訓導

家傳畧曰需人性剛直好義輕財嘗出貲刻史尊
初讀書淺解諸書又出巨金修文廟兩廡道光
初倡修邑志凡書藉足備參考者搜羅殆盡後邑
志告竣張振夔贈以詩云需人固是人中傑力謀
綴輯開鄉賢

秋月偕友人遊白石山宿玉虹洞

一峰飛入白雲巔
撐起東南半壁天
海島恍浮禪榻上
星辰已落酒樽前
虹橫白石千山雨
遊時恰逢細雨 甌熟黃梁

萬壑煙

玉虹洞名玉甌峰

到此俱非凡
凡界客清名莫羨
古真仙
同時劉廷璧有游白石山詩云山勢北盤連雁蕩
地形東走盡甌江詩思清新惜忘其全首因附錄

之

黃天政

一名泮芹
邑諸生

家傳畧曰泮芹持躬謹嚴
恪守儒素鄉里稱為善人

宿德春禪寺

非關佞佛有微情為愛林泉分外清得髓誰能希慧可
攢眉何敢效淵明前緣芋領宵中味俗態鐘忘飯後聲
到此差消塵世累結趺靜坐到三更

山圍水繞絕繁喧何幸禪林屬近村楊震談經風已渺
王珣捨宅迹猶存地無撲面塵三斗客可談心酒一樽
誰料雁山諸刹外縈情更有給孤園

樂成詩錄

卷三

一一

鄭振熙

字貢生

西際山

二十餘峰西際西山風吹客過前溪石門回望青如許
百丈崖頭片月低

錢明灝

字商山
邑諸生

玉虹洞夜坐

靜聽雙溪水流天空海關暮雲收憑欄吟到三更後
風滿巖局月滿樓

曹衣德

字升齊
廩膳生

過息耒園

曲檻迴廊憶昔遊小園風景自清幽一雙燕子曾相識
向我呢喃話不休

攝衣更上釣魚臺水色清漣暈綠苔卻愛榴花能解意
故人未到已先開

徐獻廷

字聘堂道光甲午歲貢

孫衣言墓誌畧曰聘堂性謹厚好讀書其他文辭皆能工而尤喜集句如集三百篇尙書文選及陶靖節杜子美諸詩純任自然使人讀之不知其非已出也

題孫琴西太史海客受經圖集陶四十韻

良才不隱世疇昔家上京猛志逸四海游好在六經久
而道彌著苟得非所欽 帝者慎用才所以貴吾身

樂成詩錄

卷三

三

有客常同止相見無雜言曰余作此來道路邈何因凌
厲越萬里淹畱忘宵晨及晨願烏遷造夕思雞鳴眷眷
往昔時學語未成音卽理愧通識空負頭上巾今日遊
茲役孰是都不容撫已有深懷持此欲何成一欣待温
顏眞想初在襟願言誨諸子古人惜寸陰及時當勉勵
而以求自安疑義相與析校書亦已勤俎豆猶古法禮
樂暫得新風來入房戶臥起弄書琴言詠遂賦詩清歌
散新聲於今甚可愛懷古一何深先師有遺訓顏生稱
爲仁此事眞復樂思與爾爲鄰青松冠巖列幽蘭生庭
前春風扇微和和澤周三春靈化無窮已彌縫使其淳

客養千金軀庶以善自名歲月好已積倏如流電驚離
鷗鳴清池羈鳥戀舊林思厚固難忘亦知當乖分慷慨
思南歸悠悠東去雲 君命安可違臨流別友生餞

送傾

皇朝事勝感行人人生歸有道舉世少復真

如何蓬廬士六藉無一親洙泗輟微響不見所問津問
君何能爾今朝復斯聞桃李列堂前四座列羣英流觀

山海圖卽事多所欣此中有眞意仁者用其心爲君作

此詩千載有餘情孫衣言曰集古之妙固不待言其語深長而心鄭重尤能以古人之意寫今人之情

葉正陽

字曉園道光乙未著有鹿跡山房詩草

恩貢

樂成詩錄

卷三

四

吳樵岡先生席上賞菊

百花開已盡天地不風流得此關元氣非徒殿素秋稱

觴緣壽客

菊爲壽客

插帽出人頭一瓣香誰接寒梅嶺上收

誠子

事事皆如意人生未必然安貧眞富貴知足活神仙門
仗詩書盛家憑筆硯傳田園何用慮總要子孫賢

次韻和徐鞞堂遣懷

二首錄一首

空有將軍腹而無館授餐文章知己少富貴逼人難枕
或拋書臥燈還把劍看故交今落落古調向誰彈

六十自述 七首錄二首

有時靜坐掩山扉回首從前樂事稀
鼓瑟鸞膠勞再續登樓雁影恨孤飛
家貧豈為藏書富身健非關食肉肥
不善持籌兼算權年年抱甕自忘機
攬鏡俄驚白上髭捫懷一笑轉猜疑
過猶未寡功何論壯不如人老可知
詩境難開新世界書囊仍守舊生涯
傳家檢點無長物三子平分筆數枝

送周明府罷官歸里 四首錄二首

明府名含萬號荔映三楚長沙人以名進士出宰永嘉才大性剛不避權貴爭一寃獄與觀察不相
中被劾落職明府有留別東嘉士民詩和者甚眾俱不能敵

樂成詩錄 卷三

五

風骨錚錚意氣豪五官並治卻非勞
如何才大難為用翻使刀藏不喜操
舊政已教編樂府新詩還欲壓風騷
請看屬和陽春者爭比鏗鏘曲自高
夢醒一笑脫烏紗萬里江山賦到家人愛使君
餞孤嶼天還才子住長沙回頭肯顧尊前曲
分手誰探縣外花我想風流如此少吟成七字附東嘉

陳承周 字禮齋邑諸生

家傳畧曰禮齋性剛直有膽識遇事敢為鄉里皆敬重之又精醫理經其治者靡不應手愈子英玉西玉有才名並早世晚年家又中落嘗自榜其戶云歲將催我老天欲逼人窮讀之令人聲淚俱下

秋柳詞

蕭蕭去馬夕陽明
點點歸鴉落葉聲
獨立有人紅蓼岸
陽關一曲不勝情

幾番搖落耐秋風
瘦損腰肢便不工
應悔從前太勞苦
管人離別驛亭中

徐沛膏

字軻堂 道光丙午 恩貢

先生品高學粹投徒鄉里負師儒重望詩不多作然古體數篇清整峻潔視采綴聲華者已迥然異

大龍湫

噫吁嚱天下之山三千有三百
誰似雁蕩龍湫瀑布奇
雷公擗鼓揭地震驚起白龍影
倒垂連雲嶂下剪刀側
懸流到海勢奔馳冰綃一匹千
萬丈天孫織就誇神姿

樂成詩錄

卷三

六

勁風一陣忽衝激
紛紜繚繞如遊絲
迎人故作紆迴狀
蜿蜒翔舞形委蛇
蓄勢欲下不得下
未識原泉奚所之
憤懣偪億銀河決
凌空飛瀉忽瀾瀾
有時天女好遊戲
珍珠玉屑下峻陂
如琴如筑聲切切
如虹如彩形迷離
紛紜沕滴無常態
蚴蟻磳礧倏轉移
知是天爲東南作
偉觀有意造就非
等夷擬議形容不
可得吟咏絕壁徒
愕眙噫吁嚱天下
之山三千有三百
誰似雁蕩龍湫瀑
布奇

靈峰洞

此峰去天一尺五
高並靈巖與天柱
造物出奇愈不窮

乃命六丁持神斧剝去山腹空其中廓乎有容成洞府
飛磴詰屈六百重九折三休乃入戶環而顧之如剖鐘
仰而視之如覆金石質鱗鱗吐層雲石罅飛泉散玉雨
佛殿穹窿抗肆兀諸峰森列若隊伍我聞天上有瓊宮
崑崙之巔有元圃此語荒誕我不信乃信茲山勝玉宇
未解面壁參維摩身被饑驅日旁午乘暇攬勝多歡悰
第一洞天今乃覩長嘯一聲聲未畢砰砰轟轟雷擊鼓
急止徒侶毋喧譁恐驚澗底神龍舞

宿能仁寺

鳥道盤初盡巍然見梵宮羣鴉棲木杪清磬出雲中窗

樂成詩錄卷三

七

挹嵐光秀峰排火燄紅龍湫知不遠一徑好斜通

林朝槐

字香苑
邑諸生

秋江晚眺

萬里蒼茫一望中晚來憑眺興何窮賓鴻蘆荻尋坭爪
狂客煙波理釣筒山色橫分秋水碧帆痕歸帶夕陽紅
江頭獨立思何限看到無心畫自工

林德培

字銘波
邑諸生

先生性好善又能積學生平以敦倫理維風教為
先任咸豐間詔舉孝廉方正邑中士林議以
先生報先生固辭嘗輯刻書紳雅吟騷體嘉言
諸書以警世年八十一重遊泮水土林榮之

自述

欲學堯夫默禱天比來惟願後昆賢守身邪徑休投足
努力修途漫息肩文望期高人一等書囊要滿卷三千
柏廬家訓常膺服本分能安自暢然

毛

炳字子詩
邑廩生

雁湖歌

我是雁山人請爲歌雁湖湖在山中宇內無二靈山水
皆奇崛此湖之勝無與匹一山高聳三千七百丈有水
忽從山巔出山巔之水清且澗平分三坎如葑田秋來
往往棲羣雁雁湖二字因名焉湖中淤泥不見底截竹
試之靡有止相傳源與大海通不乾不溢長如此我登

樂成詩錄

卷三

八

絕頂縱目觀莽莽滄海一粟耳回頭瞥見白練橫老僧
指點甌江水憶昔曾向江淮游五湖歷盡掉歸舟雲濤
雪浪非不動人日要與此湖風景不相侔嗚呼雁湖眞
是湖中傑獨踞山巔稱奇絕知非五丁開亦豈巨靈設
神妙還應歸造物造物默無言山人謬爲歌于搜萬索
費揣摩祇恐才薄負此粘天一碧之澄波

余

坊字玉泉道光
舉人

曾氏雙貞詩

峩峩九斗山中舍太古雪雪裏兩樹梅高下清且潔南
枝纔放花香拂井泉冽風雨太無情泣與東君別瘦影
獨橫斜前身隔明月綠葉縱成陰霜多了不結空山杳
無人孤根老於鐵寒入北枝多花開未堪折遲我春風
期一月芳華歇花底共命禽聲聲誓同穴嚼雪夜歸來
泪與花交咽抱此歲寒心十年效苦節造物忌香名瓊
花遺其缺何以慰冰魂金管表芳烈水部饒清吟霏霏
皆玉屑生意婆娑餘風霜更百折大地一回春寒香長
不滅有鶴守旁枝依舊花如纈生本藐姑神同抱九仙
骨林下多高風高風兩清絕

樂成詩錄

卷三

九

鄭奇德

改名嘉德號荻叟
咸豐辛亥歲貢

生博學能文兼工詩賦應童子試縣府院
皆冠其曹後學教郡城肆經堂士多宗之

謁岳武穆祠

君命果不受金牌召不行如何矯詔至竟歇渡河聲天
劃長江界人傾萬里城千秋同積恨事業敗垂成

謁于忠肅祠

權宜能濟事經國此奇才無取金爲注從教雨復來南
朝傾宰相北寺肆奸回冤獄誰昭雪臣心一寸丹

曾竹史生墳題辭

人生百年須臾耳瞥眼風花幾停止昨聞天上葬神仙

彭祖巫咸終亦死爽鳩至樂不可尋
隱豹深藏聊復爾
覓得仙邱土一坏菟裘之營吾老矣
此間佳氣鬱葱葱
先築公琴瘞彼美彼美入夢告夫君
百歲之後同歸此
如卿斯言亦復佳黃泉相見我曾矢
有詩且賦大隧中有酒合醉仙鄉裏
詩仙酒狂屬何人達哉達哉曾竹史

林大滋

字潤齋
邑諸生

讀陶靖節集

戾氣妖氛滿九寰柴桑高隱自閑閑
名分遼海千秋席
身老匡廬一角山一代春秋詩卷裏
兩朝歲月酒杯間
此情只有黃花解晚節相看鬢已斑

樂成詩錄

卷三

江心寺弔文丞相

十

洪流迴合抱江城丞相當年此駐旌
宗社千金延少帝
河山半壁仗書生七年報國腔中血
一旅勤王海上兵
終古遺祠憑弔處寒潮落日不勝情

鄭

字子清
邑諸生

先生性情質樸常着古衣冠坐小榻靜養心性或
把卷倚曲檻沈吟終日至家人生產一切置不問
意豁如也壽七十有七著詩
若干卷燬於火今僅存數首

白芍藥

萬綠叢中覆玉盃水晶簾外認模糊
風清花市香偏潔
月冷苔痕影欲無宰相漫誇金作帶
阿嬈眞箇雪爲膚

素心較似臣心淡相對休嗟伴侶孤
不唱新詞點絳唇梅粧初試一番新萬花會裏妍無力
十二圖中淡有神仙子樓臺原白玉佳人縞袂送青春
自從供罷梵王後卸卻鉛華結淨因

送江弼未先生之省

廉介襟懷與古期美除今始得量移最難吾道伸知己
無那交情又別離此去文章關利濟再來琴鶴慰相思
上官若問民愁苦亂後瘡痍異昔時

贈江公弼未

六首 二首

遍地干戈行路難每思殺賊濟時艱壯懷未遂家何在

樂成詩錄

卷三

十一

愁絕江南庾子山

廣文三絕擅唐時今世何人得並之惟有先生一枝筆
工書善畫更能詩

徐德元

字履周道光
丁酉拔貢

先生博學能詩尤工古文孫琴西方伯誌其墓云
博土才氣不在人下而不得一取仕宦有所爲於
世爲可惜也又云博土雖不得有爲於世其居家
待親數十載務爲球財利賑困乏助其親爲善無
一不稱其親之志觀此
數語可以知其爲人矣

送離尹江弼未解任之省

弼未解組去乍聞爲之喜旣喜旋復憎兩情互相抵喜
君脫俗羈悠然釋重累憎吾闕良朋隔別遠千里欲留

嗟弗能欲別難自己欲訂再來緣未知何日是別後相
思深奚啻千尺水持贈只一言不必營臚仕宦途險若
波宦情薄如紙直道信難行枉道君所耻名教樂自寬
天爵榮孰比衡泌足怡情蠅蚋不屑矣惟吾二人交莫
逆心相視久要期不忘慎終亦若始努力各自愛古賢
思繼軌形迹有時睽神契無遐邇相與勵媵脩釋回而
增美相與勤念典學殖靡底止窮達任之天躬行要諸
已後會倘有期庶可刮目俟

奉和江陵朱驪尹留別原韻

未曾覲面早相知相見翻嫌覲面遲惜別遽成千里隔
樂成詩錄

卷三

三

贈言只有數行詩離多會少情難忍語短心長意轉癡
珍重臨歧分袂後重逢應各自吟髭
千尺桃花潭水深送君情盡託清吟有時別後一觸念
無限相思都上心越水吳山勞夢想暮雲春樹憶晴陰
何當樽酒論文日燭剪西窗樂可尋

吳聖紹

字從夫
邑諸生

石夫人

亭亭獨立幾千秋銷盡人間內顧憂生與媪皇爭古貌
心嗤巫女太風流掃眉皓月爲妝鏡着體紅霞勝錦綉
林下神清參靜默生公說法點頭不

陳

玘字熙傑
邑諸生

和韓昌黎秋懷十一首
錄二首

孟夏園林中綠樹葉疑疑忽焉屆清秋羣芳漸漸已涼
颺振庭柯瑟瑟聲滿耳幽人傷遲暮獨坐千愁起自顧
非金石恐與草木似素序已暗催朱顏安足恃奮跡懋
純修抗懷搗遐軌慎無搖其精庶幾足自喜

秋高天氣清秋涼讀書好跳丸無暫停努力苦不早志
以澹泊明身更晚節保黃花三徑芳桃李已枯槁君子
自有真流俗安足道

鄭

炤

字定齋由貢生捐布政司
理問著有語茗軒詩稿

樂成詩錄

卷三

三

我叔定齋先生藉父業富甲一鄉而自視欲然好
讀書收藏甚富尤好義敢爲粵賊陷樂族中被虜
者九人我叔以重金贖
之卒之日一鄉皆嘆惜

閨中月令詩

人望元宵晴儂喜元宵雨花街無人遊郎自不出戶
昨夜燈花開凌晨喜鵲噪懼喜是花朝開簾郎恰到
與郎分手日相約牡丹時只愁歸期緩常恐花放遲
四月初八辰酬幡到佛寺上繡兩鴛鴦下書郎名字
午日觀競渡往來多綵舟人夸女衣褶儂看女梳頭
同伴採蓮花儂獨採蓮葉蓮花紅不長蓮葉圓相接
銀漢淨風波天孫喜渡河今宵如賜巧願卜與郎多

買得中秋餅團繚似明月持刀欲分嘗不忍有殘闕
黃花燦如金白英耀於玉儂見悲秋深征人想未曷
瓦上白霜白樹頭紅葉紅阿郎歸日近何必指飛鴻
窗外寒梅發焚香小洞天不須愁晝短卻愛夜如年
守歲喜藏鉤欲卜來年事郎筆與儂針件件願如意

殺賊行

太平日久法網寬大海洋洋藏巨奸兵勦不力如養癰
日甚一日翻天瀾商旅不行賊飢甚垂涎東甌求食飲
兵弁望之走且僵且餉美酒暮羔羊白鹿城中午閉門
烏牛渡口晚無航孤嶼老僧被拘縛單毘幼婦傾箱囊

樂成詩錄

卷三

十四

怒殺樂清奇男子垵田壯士陳

配錦瑞熊

與李

文獻

磨刀耿

耿白如銀思殺羣賊不畏死一朝五艇揚帆過欲吞鄉
村如蛇豕壯士一呼眾刃揮炮轟似雷難掩耳四艇遠
避不敢近一艇攪沙急難起登舟殺之如誅茅活擒十
二更可喜吁嗟乎 國家養卒三百年竟無一卒敢當
先民耕民耨爲汝俸兩稅不足復輸捐今有農夫能殺
賊汝可歌飲且高眠

黃一潮

字梅門邑諸生著
有納涼軒詩稿

先生家本裕其父疎於持家因而中落先生
舌耕以養足跡罕出戶外人皆稱其謹厚

書方正學豫讓論後

智伯驕而貪身與家俱滅臣讓起報讐殺身光烈烈塗
廟事未成吞炭意尤決故友或憐才勁氣終弗折三躍
奮斬衣相視盡嗚咽前非以身許後不爲利結無所爲
而爲國士復奚說若必再三諫不從終饒舌若必全宗
祀暴主皆不絕嗟嗟作論者反覆沒奇襟身安而主全
此事關明哲肆口詆他人應早自施設胡爲靖難師捐
軀同一轍

沐簫寺次王梅溪韻

玉局山前寺雙橋一徑通樵歸青嶂外僧住白雲中花
氣香沉暮松聲怒撼空潛龍讀書客破壁快乘風

樂成詩錄

卷三

五

孤嶼

誰擊蓬瀛碎飄零過海東永嘉九斗外孤嶼亂流中曉
氣層城白斜陽兩塔紅一丸乾淨土天與住雙忠

霞山卽事

簾捲西風菊色新蕭齋坐我半閒身詩緣未定重謄稿
書到含疑每問人因僻還教成善懶抱愁無計總傷神
南窗盡日聽樵唱欲擬山歌定不倫

鄭錫慶

字雨亭道光
戊戌歲貢

先生性情渾樸於書無不讀所藏予史諸名人集
丹墨殆遍其評點往往得作者意制藝亦推服一
時踏省門五六不得售卽絕意進取以明經老
詩非所長閒時偶有得畧著一二以自娛云

咏史 二首錄一

圯上授陰符秦皇不及詠可知受坑者畢竟是庸儒

秋夜獨坐

寂坐守孤燈窗外滴疎雨秋蟲獨有情夜夜來相語

咏史

四首錄二首

六出奇謀勝甲兵亡秦滅楚解平城如何女主臨朝日

無術安劉待陸生

壯士何人守漢中威加海內竟成空淮陰已醢英彭戮

枉向高臺唱大風

戲贈族姪菊如

時在籍候選訓導

樂成詩錄

卷三

六

氣節由來久羨陶南窗寄傲避塵囂不知五柳緣何事

轉向門前學折腰

吳鄭衡

字荆山由增生議敘運同銜

先生狀貌魁梧才氣橫溢晚歲築三一閣靜坐其中不入城市者十餘年後有得於禪人無賢不肖皆優禮之故詩多禪理書法亦有禪意詩草燬於火此詩二首從畫楨采入非其至也

題曉柔禪師刺血畫阿彌陀佛

觸目蓮花世界新紅光一道現全身通身是血通身佛

妙手空空畫逼真

西方妙境此間開腳踏蓮花不用栽畢竟皮膚脫落盡

渾然一個血如來

吳永佶

字菊賓邑諸生

先生性剛毅博極羣書與胡君放仙最相契平日游山玩水倡和甚多放仙沒遂杜門不出以世無知音也同治紀元粵賊陷樂城先生與放仙從弟次恭同辦團練次恭中道殞先生復與周兆麟張考吉林琪林瑤等再整團勇與賊戰於白沙賊敗而宵遁先生曰吾恨不能盡殲此虜是先生節義之風又有可傳於後者

石壁行

旗旃蔽天日無影粵賊羣過斤竹嶺官軍扼守橫塘角
狹道堅持賊靡騁奸民獻計作鄉導引賊山行石壁頂
陳倉暗度無人知縱虎出圍勢驕逞我軍回首賊後攻
鳥驚魚駭心怏怏士卒強立猶支持帥已焮馳哀呼拯

樂成詩錄

卷二

七

赤竦墮地血光飛蒼蚪呼天日色冷短兵接戰伊何人
橫屍澗谷身首到受甲半多田舍氓又況逃亡無將領
殘兵急遁瑤嶺巔狙伺突來土匪猛醜徒鑿擊賊內應
幟首金戈背鄉井吁嗟用兵之道如布棋綫逕孤注終
見危君不見周條侯擊東南備西北雖有勍敵無能爲

官塘河行弔胡次恭

天狼墮地天失色愁雲四低乾坤黑髑髏滿野鬼啾啾
赤蟻元蠶人肉食粵賊哮囂交戈矛盤山繡嶺萬騎入
羣黎奔竄煙火稀赤羽臨關畫角急古今大勇惟眞儒
赫然一怒無哦賊身厯重巖遠乞師腰纏霜鍔黃袴褶

震動金壇率旅還戎機號令頗嚴壹指日孫盧俘幕下
中道釋圍甯計及士無鬪志走前鋒西洙兵變勢莫韞
英雄力竭甘一死狂濤飛舞河水立仗節卞壺歸九泉
淚灑長空陣雲濕伊予招集鄉里雄白沙塵戰賊敗北
聲援久惛鬼章心消息差幸機無失招巫宋玉巫陽來
會葬周勃吹簫集山川幾劫英氣畱石碣長楸照寒日
吁嗟官塘河中水水有時涸恨罔極千古悲風塘上吹
五更子規啼不得

輓胡次恭

鞞鼓聲中滿地悲軍門星隕少微時客兵欲潰身先殉
樂成詩錄

卷三

六

國難未平力不支麥飯千年嗟伯道桐棺三尺近要離
官河日暮垂楊柳一任淒風帶雨吹

橫渠年少喜談兵俠氣雲霄拚此生馬嚼金銜乘月出
人垂玉筋傍花驚寒漿蠹勺招魂賦落日虞淵弄笛聲
近載應劉多喪逝南皮池館動哀情

重經張莊山痛懷胡次恭

三首錄
二首

雲橙重經野杜紅香聲何處問蒼穹琴高入水應仙去
桑戶聞歌屬夢中洗盞光邀低澗月聯床清挹破樓風
會獅山下嬉遊處宿草離離薄照烘

櫻筍巖厨好挂包春風一樣燕來巢半林綠竹同鐫詠

與次恭拾磧刻句竹上

百斛紅蓮肯代庖

次恭代買穀十石運至山中

棋局涼

生人影散書箱色減蠹魚交至今偶過黃墟畔渺渺河

山珠淚拋

題友人渡淮吟卷 三首

西風雁影滿磯頭客到秦淮兩岸秋明月蘆花江上夢

一燈搖曳過中流

平遠蔣山溼翠多碧江煙澹水如羅美人一去風流杳

忍唱當年桃葉歌

亭亭畫舸倚寒流莽莽雄圖事已休千古長淮煙月冷

江南畱取載離愁

樂成詩錄 卷三

十九

胡維勳 字放仙廩生著

有石帆詩稿

陳斌曰胡維勳茂才性喜吟咏為人豪邁不羈因自號放仙年踰四十得肺疾而沒士林共惜之著有石帆詩草四卷而余獨愛其綠窗吟云亭亭綠窗女十年貞不字豈不私自憐坐遣年華諒輕身以自媒終恐中道棄世有梁百鸞者可矢孟光志足見立品介特非徒放浪形骸者可比

吳菊賓詩序畧曰友人放仙姓胡氏居邑之石颯

鄉杏莊志氣宏放倜儻不羈揆其生平畧近稽阮

一流博覽羣書作為文章如游龍跳虎不可捉縛

尤長於詩其詩類多俶詭踔厲自抒其性靈不屑

卑近臨川有云吟詩各有所得清水出芙蓉天然

去雕飾此李白所得也或看翡翠蘭苔上未製鱗

鮫碧海中此杜甫所得也橫空盤硬語妥帖力排
冪此韓愈所得也按石帆集中有云力掃一切諸
糝糠上訴眞宰窮天倪此放仙所得也放仙之詩
可以放仙一言蔽之矣

金鄉旅寓贈回浦錢堯峰

運唐

縱城有逸士曲藝罔不搽馱馱仿枚朔著蔡驚王侯去
家殆千里來此昆陽陬我時亦爲客相值及杪秋旅邸
談心曲蛩語爲啁啾春將省伯父辭家來東甌殘書攜
幾束秉燭時移簪昏暮中風雨淋葶重纏繆展轉盈一
月厥疾始有瘳入境訪伯父聞訊適遠州異鄉乏親故

樂成詩錄

卷三

三

俯仰誰可謀苦道擬黃葉息肩暫羈留看雲憶紫萱對
花吟白頭恨少長房術鞭地返故邱言已聲嗚咽令我
心懷憂憂心不可懷擊節爲君謳志士具達觀隨遇皆
優游君心有妙具奚自泣楚囚待到好風日與君買歸
舟

誌所見

雲物太無因斯須成翻覆偶然膚寸生倏忽千里逐乘
時被日華燦若羅與縠大風瞬息來飄零失初服

鴻雁橫天表乘風恣所歸去春向北還秋來又南飛蹤
跡無羈絆從心不相違一爲稻梁謀難免弋者机

贈高二商山

人生不作千古想，碌碌不殊地行尸。天壤惟文爲不朽，
吁嗟吾輩當知之。盤谷居士商山子，文章行誼皆吾師。
備舉文法爲我告，使我循途知等差。春花綺豔秋實茂，
冬雪潔白夏雨滋。太山華岳立地聳，湘江震澤兼天馳。
天地風雲極變態，驅役百怪如使兒。力掃一切諸糠粃，
上訴眞宰窮天倪。子聞斯言退兀坐，終日不作形若癡。
純鉤韜匣晦光焰，不逢薛燭良足悲。天生人材必有用，
安見舉世無相知。勸君不須嗟，屈抑雄飛暫且安。伏雌
中藏信可揭，千古高車馳。馬何庸思多少，朱門厭梁肉。
樂成詩錄 卷三 三十一

不得青史芳名垂

孤嶼謁文信國祠

丞相南來日，元軍久據燕。孤舟萬里托，一髮九鐘懸。鱗
浪催精衛，鶯花溼杜鵑。祇今誓師處，松柏鬱寒煙。

天牕洞

手把雙旗展，迎風古洞前。雲根沾屐印，鳥路夾春煙。檻
外疑無地，窗中別有天。須防綺語戒，神聽本昭然。

謁文丞相祠

奎章仰首覲天顏，南渡興亡彈指間。臺畔似聞孤鳥泣，
雲中誰駕六龍還。地經鼓角思前代，身滯江湖愧等閒。

重爲吾邦存正氣不辭蕉荔獻文山

小西湖訪曾七如衍東故居

宦海浮沉未有常一官手自擲銅章好攜花去隨春舫
莫望鴻飛返故鄉風月情懷蘇玉局圖書痼癖米襄陽
研池那復龍騰出陰滴蟾蜍淚數行

應道觀

傑閣飛樓邈邈池開擬分官府小蓬萊旃幢蔽日爐香靜
貝葉臨風窈窕回中夜靈旂朝嶽瀆上清寶簡河雲雷
不知徽廟垂弓劍七百年來幾劫灰

嚴子陵先生祠

樂成詩錄

卷三

三

迢遞青山接釣臺片帆新自富春來淡煙千樹鳥相語
流水一溪花正開青史竟容漁父占漢庭曾放客星回
把竿借問滄波叟何許中興國士才

董

佐 字心泉
邑諸生

影

來時隨我來去時隨我去不知未來前君當在何處

題賞幽軒

清晨天氣爽開軒愜心賞鳥爲無人下苔向空階長風
到樹先迎雨歇竹猶響問此主者誰幽人自偃仰

林大椿

字恆軒號護士
已未府學歲貢

先生博洽淹貫學有居鄉恂恂篤謹常終歲閉門
成章平日善事父母居鄉恂恂篤謹常終歲閉門
教授不輕出凡歷代經史及天官歷數家言皆能
窮其精微善古文詞尤長於詩孫太僕琴西評其
詩云於儒書確有見地而又澤古甚深故樸處彌
華淡處彌腴孫太史渠田評其詩云諸體五古爲
最質實入理處如聆太古琴音

觀此二評可以知其詩學矣
朱壽保曰恆軒別有垂涕集三卷多道咸豐辛酉
壬戌間事其中感慨時艱闡揚忠節雖詞多激直
亦足以備
一邑詩史

與履舟論等韻

切韻古所無直音兼轉注神珙反紐圖奧義玉篇附西
域二合書震旦久傳布兩字出一音得音合天趣字務

樂成詩錄

卷三

三

同母求音循本等赴上切下爲韻不憂毫髮誤字母三
十二包羅文萬數唇牙齒舌喉啟口五音具半商兼半
徵清濁微茫度緯之四聲譜平仄從其故方寸縱橫調
重輕聲參互或以開口呼或以閤口吐類隔間音和居
然天籟寓異哉婆羅門此理伊誰悟抑聞古人言妙旨
生初賦高氏與叔然久已入牋注梵學導其流儒家循
其素空谷可傳音道存無字句

書邑志後

雁蕩蓄靈奇丹霞孕清淑人才應運生赫赫照耳目名
儒王龜齡大賢亦推服名臣章大經後世猶尸祝其次

爲名士文章寄簡牘元有李五峰明有侯二谷詞壇傳
其書交口稱老宿緬懷鄉先生芝蘭有餘馥當其窮居
時業已不朽卜彼亦七尺軀天豈生使獨千秋志士懷
古風何難復誰云地不靈自是書未讀盛衰理可推吾
嘗思之熟

呈璞山厚石兩昆仲

萬金買好官千金買巧笑不如讀異書心光自照耀朝
採寶山藏暮把金谷酒不如交名流揖讓相師友俗士
眼如豆所見惟時文績學探本原吾愛兩陳君架上三
萬簽胸中千古事儒富在多文名山儲遠志我實慚薄
樂成詩錄 卷三 五
材忝附同心蘭寓舍時把袂風趣挹二難何時叩高齋
細聆粲花論清音壘與甕藉以開愚鈍吾身撻塵氛吾
心嚮往之何以寫吾心憑此一篇詩

象浦行

象浦西邊樹義旗將臺屹起江之湄幢主徐公最忠勇

武生徐桂芳倡
立民團禦賊

副以胡子尤權奇村莊聯絡互守望壁

壘安排無宴嬉維時粵賊先聞報急出多金募鄉導一

軍盛氣越山來地隔浦潑難飛到臨流徒涉冒風濤儼

筏浮沉徒鼓譟奸民指路向沙灘淺水不波采入與兩

軍相接怒生風頃刻雷霆互排莽一鼓作氣再鼓衰川

潰山摧煙霧，毘獨有幢主。誓捐軀，鐵石爲心死，不渝羣
賊合圍，猶力戰血鋒刃。賊九頭，願孤身殺賊，賊憤怒，戈
矛蝟集，危須臾。仰天大呼氣貫日，願爲厲鬼驚狂徒。英
風颯颯陣前起，死綏捍敵眞丈夫。同時殉節才一姓，書
生田父皆遭屠。屠賊渠得意，恣蹂躪。因風縱火，延長途。華
堂白屋交檐楹，可憐頃刻皆焦枯。嗚呼徐君秀才耳，未
嘗受祿膺臚仕。徒以大義激中心，甘棄此身報知己。影
纓曳組伊何人，酣參華腴良自喜。招魂一曲弔英靈，耿
耿丹心長不死。碧天如水月如霜，照爾雲車歸故里。

鄉勇來

樂成詩錄

卷三

三

官兵來江村，士女笑顏開。南望郡城方告急，官兵隨時
守禦安能來。解官兵不來鄉勇來，雕青惡少稱將材。偵
知寇退無疑猜，從以數百無賴子。虎符在手歡如雷，乘

危來攫民間財。解鄉勇來時三三五五，旣無主將又無

隊伍已燒孫家屋。又來鄭家搥大鼓，旁有狂生怒如虎。

急招健兒勇，可買手縛勇。首如縛叛爾來，對對爾亦賊。

項下一揮血殷斧。解勇首誰楊成祿，少年游手生計蹙。

不顧雙親但馳逐，走叩鈴葦規克復。覬望軍功兼積蓄，

翻以禍心受民戮。功罪之間須表暴。解謂楊無功焉得

謂無功虛聲，喝入賊中。官兵累萬將來，東賊聞此語。

心忡忡棄城宵遁如飛風迫賊速去乃其功

五謂楊無

罪楊罪自在爾來賊已去何不入城謁官宰招搖攘奪

慙塞如海

六

楊罪固可誅狂生亦已愚姑遠緩之繫其

軀獻之大府訖剝膚權衡功罪當不誣

七

鳴呼噫嘻古

人設兵以衛民召募鄉勇是亦兵不能殺賊而乃荼毒

我生靈君不見明朝黔兵激民變外廷聚訟相詰爭官

兵尙如此何況鄉勇多亡命尺籍半非眞姓名寄語主

八

白沙行

白沙山東殺氣黑鄰里同心思殺賊村村一竈點一丁

樂成詩錄

卷三

美

眾志成城無畏色旗旆相望刀槩新其間隊長多文人
平生忠信爲甲冑天然韜畧非陳因是時黃巖賊初破
殘兵潛向檉江過圍軍邀截勇無前陷陣衝鋒酋焰挫
四月望日兩軍塵詰朝轉戰交鞍鏢白沙嶺邊萬夫集
征塵撲面陣雲驕壯士殺賊如屠狗綱刀浴血血殷手
亦有舍命甘死綬鬼氣吹噓賊驚走此時眾怒如奔電
此地飛紅土色變團圍賊賊勢窮遺孽西奔彊脫箭
城中渠帥早危疑夜半潛收敗北旗偷度西關借遠遯
惡氛從此靖江睡我來訪舊翔雲麓東望白沙馳心目
酒樓喜遇吳正儀追敘當時血刃篋君也拔戟一隊成

麾戈親抵白沙營如荼如火聲威盛爲鶴爲鵝步伐明
鬚髯如戟人驚望文弱書生膽氣壯拂箋爲作白沙行
筆底風霆猶鼓盪

弔殉節諸婦女

青蓮雖憔悴不受泥滓幽蘭雖枯萎不爲糞土汗芳
閨有本性無愧烈丈夫守身如執玉顛沛志勿渝陰靈
蔽白日城社號妖狐矯矯良家女毅然捐其軀或隨奔
湍去泛泛如鷗鳥或以投繯馨林木驚鳶烏或顛層崖
間玉骨碎須臾或觸巨石下頭裂血模糊或起奪賊刃
自到無踟躕或申申詈賊烈炬甘焦枯凡此抗節死死
樂成詩錄卷三

毛

不必一途貞魂游碧落正氣達元都星娥肅然起玉女
走相扶姓名通帝座百靈動色呼聲光振雷電下照海
一隙 聖朝重節義天人合符聞賢豈終晦獎善理
不誣作詩誌景慕用備彤史須

輓胡次恭

青犢橫行戰血殷書生憤激走深山乞師遠道筋骸憊
倡義偏鄉甲冑擐送友竟教悲死別出門原不望生還
懸知破賊功成後地下忠魂亦解顏
重繭間關請義兵排門軍勢最知名旗旌匝地聲威壯
矛戟同仇膽氣橫戊己營譁師欲潰癸庚呼急衆皆驚

國讐家難關心切拚付清流了此生

前歲高軒過草堂高談吳質妙文章酒腸芒角神飛舞
詩膽槎枒語激昂時事愴懷思借箸軍書蒿目欲探囊
知君胸次多奇氣熱血終教灑戰場

高堂白髮漸盈頭膝下何堪伯道愁但說家門真不幸
若論義烈已千秋崇祠俎豆陪先哲郵典光輝待上游
自顧讀書三十載偷安反使故人羞

錢塘懷古 六首

名山勝水小蓬萊千古登臨絕妙才碧井泉香仙李去
綠隄煙護大蘇來真人嶺上三霄月處士亭前萬樹梅
樂成詩錄 卷三 三
多少秋風游覽客每因陳迹重徘徊

文林千樹墨花香晉漢風流各擅場誦席春秋飛紙翰
吟壇南北會衣裳唐詩後勁羅昭諫宋學枝流趙善湘
珍重百家書藏在精藍終古護幽光

塘名記自漢時人似與錢王有宿因錦繡湖山傳國富
鮮明戈馬起家新江頭潮懾三千弩陌上花穠九十春
累世英雄樽酒盡譚言南渡證前身

規模草創小朝廷半壁山河亦帝京後日哀詞朱鳥怨
當時宿將白鷗盟風波血海元戎死玉帛冰天宰相榮
畱與千秋作憑弔夢華遺錄最傷情

市僧簪纓憶賈家金甌從此委泥沙笙歌綺院春闌寡
燈火青山夜品花兩府軍諮壽壽蟪蛄六宮更漏促蝦蟆
半閉堂冷人如夢魂斷棉庵日影斜

壽陵賢相古來無隻手能將社稷扶撲火軍容猶整暇
回瀾功力最難虞攜頭入地貞臣哭借眼朝天故鬼呼
岳范祠堂成鼎足合將少保字西湖

讀史記

文運衰頹四百年韜鈴刀筆總紛然自從秦火燔書後
第一尊經是史遷

飄零譏謗交攻日開闢文章未有天一卷離騷足千古
樂成詩錄卷三

无

詩亡重見變風傳

危言日出盡糝糠拉雜摧燒賴始皇自是典謨終不朽
却從孔壁奏笙簧

安排萬世治愚盲文物衣冠盡一坑亭長君王刀筆相
英雄原不屬書生

陳朝鄴字英王

家傳畧曰英王性穎悟爲文援筆立就又工詩賦
與弟西玉並有才名時謂之陳氏二玉早卒卒之
夕其父聞西廡中有誦者茫煙水前程遠
之句其聲瘦切蓋自悲其一矜未就也

秧馬歌

土牛送寒罷農人正分秧特爲負擔苦乃以馬代忙神

農所不及禹稷所未詳後人逞智巧其製出武昌維腹
欲其滑榆棗貯中央維背欲其輕楸桐雕鏤良不藉芻
與牧不藉鞍與裝前有枯藁繫紛如霧鬣場上有秧苗
東燦若垂纓長畚丁騎自穩蓑甲坐堂堂一堤紅杏雨
汗蒸力騰驤一桁夕陽落下來同牛羊立功於阡陌勝
爾在疆場蘇公記軼事可補幽風章

陳

環 字西玉號守齋邑諸生

家傳畧曰西玉好學工詩又善書挑別鈞捺逼近歐陽率更

詠史

四首錄三首

孫恩遁入海盧循亦走死燕秦取次滅功與漢皇比劉

樂成詩錄

卷三

三

氏日以興司馬嗟不祀鄙哉賣屨兒居然作天子

宋劉裕

元徽與昇明均非劉氏子若教聲其故殺之亦宜耳憤

憤蕭道成計終不出此遂合篡弒名千載污青史

齊蕭道成

堂堂梁天子捨身同泰寺佞佛佛應福胡轉爲所棄淮

南以兵解史冊述其異安知臺城中不爲證果地

梁蕭衍

陳

坤 字厚石咸豐乙卯歲貢

家傳畧曰先生性質樸學淹博尤熟於史漢生平著述具見新邑志一書爲人無文飾純任自然有太古風詩不多作錄小樂府十首以見其概

十國春秋小樂府

黑雲都滅田頴穢孫儒不事朱三與人殊楊花作雪飛

李樹玉團枝給誅三舅果何爲

吳

一箇翰林學士耳風流豈堪作天子度法曲擘吟箋外

此尤復奉竺乾一日浮梁宋師至救苦婆薩肯爾憐

唐南

殿會真亭怡神有酒不醉真癡人青城山上曲未終失

國難爲安樂公秦川裏詔賜死可憐賊王八百戰基業

竟至此

前蜀

輓車載兩袋打毬蔭一籌李家降表送蜀王灘上哭啾

啾國雖亡言可取戒石銘孟蜀語

後蜀

供游讌珠宮與玉殿逞殘酷鐵床與湯鑊嶺蠻遭劉抑

何苦爲間執挺降王長果否享國五百五

南涼

樂成詩錄

卷三

三

財堪飲馬洞庭湖雲氣佳未易圖不肖子酒橐飯囊耳

潭州兵朗州兵紛紛攻未已羊蹄穴猿離次馬氏子互

相忌

楚

不肯閉門作天子身爲唐臣分固爾爲太師爲尙父屈

朱三終身耻稱戈縱使無成功討賊宜從羅江東錢婆

雷非英雄

吳越

屈下落事字

水晶屏銀葉酒紬袴麻屨還在否一丈白虹貫城頭騎

馬人已去建州有何大志誇制勝堦前一箭天下定

閩

李家奴渤海王折節好客勢漸強治兵修戰艦捍敵築

江樓人稱無賴盍知羞勸伐蜀爲誰謀

荆南

雕青未聞作天子遠信一言誤乃爾侄皇帝男皇帝乞
援紛紛有何濟赤真人未幾至北漢

擬王半山明妃曲

胡塵四起天欲暮琵琶聲心如訴夜深穹帳思故鄉
煙樹茫茫夢中路容顏何處不如人流落都爲丹青誤
人爲明妃悲我爲漢帝咎粉黛充後宮何難定妍醜圖
中下筆恣顛倒玉顏偏落胡兒手棄取祇憑毛延壽披
圖果有一當否繼思此事亦甚微不過佳人悲失耦若
使求賢版築中慎弗圖形付畫工

樂成詩錄

卷三

三

頃刻嫫母爲西施對鏡自恃傾城貌多行貨賂果何爲
顛倒一任丹青手豐容靚飾我自知失身忽隨呼號去
只坐當年一念癡寧使嫁胡虜不一賄畫師志不苟求
非易易何意巾幗有鬚眉世上夤緣人何限問心應亦
愧明妃

蔡保東

字子釐

先生性穎悟好讀書甫成童試卽冠軍道光己酉
拔貢咸豐己未舉于鄉文尙高古習詩賦駢體尤
工嘗從徐德元學德元深契之出示其文於孫琴
西方伯方伯詫爲異才後方子穎觀察延課其子
蓋亦重其才也年僅四十七而卒著有詩文集數卷未付梓

贈趙益甫同年兼問陳子餘太守

往歲齒鄉薦第三見君名讀君制舉業古氣浩以盈一
毛揣良驥片鱗測長鯨夢寐欲相見心服鑄眞誠明年
試禮部上章歲在庚俶裝出門去中道忽阻兵鄉園旋
遭寇哭社悲風鳴頻年值磨蝎羈絆不得行君時客甌
海咫尺違班荆乙丑烽候息服闋遊上京輦下展良齋
握手如平生蓬麻切依倚槐橋作弟兄慙然慚些窳深
恐作荒僮君不我遐棄愛我肝鬲傾大文鏘韶濩里耳
逃碎句晒我擊土鼓宜不諧琴箏春官雨被放君畱我
歸耕契闊三四年念及心怛怛硯田奉菽水村學寒燈
檠儀徵方觀察葑菲採虛名招我適賓館惠澤涵滄瀟

樂成詩錄

卷三

重

且園花木秀

且園在道署內

行樂析朝醒闐然見君至慰我翹

企情自云將試吏出山待經營方公舊相識燕樂歌蒿
萃時我慕禪悅異說徒紛更感君罄忠告法眼開我盲
縱談及時務古今參權衡言少務博覽聞道繆南卿散
錢得綫索取多用其精融貫皆一理鄭許通朱程道學
與經濟用達體已明昔服君之才才大氣自橫今服君
之學學遂氣愈平翰墨盡餘事超絕猶錚錚牛刀莞爾
笑小鮮何足烹我謂官無小百里綏編氓民生苦彫劫
培養如孩嬰愛人在學道儒術胡可輕君往爲之兆民
和政迺成更訪陳太邱途過吾樂清天台去不遠曙霞

標赤城陳公昔愛我屢蒙倒屣迎去思日以切寄書恨
無忝願君致微意升階沐餘榮南鍼在前路卜君天衢
亨行義以達道當爲三代英

題康達夫攝衣持鉢圖

達摩西土來傳法自茲始心印印以心衣鉢寓言耳康
侯人中龍儒墨不同軌忽現清淨身披圖晤佛子問君
君不言君意可知矣法乳源靈源注爲功德水經繙千
佛名靈山大歡喜鉢有優曇花妙香唾塵滓衣有瓔珞
珠寶光奪霞綺廣開通慧門慧業洞元旨穩坐大願船
大乘譯禪理仰首兜率天天宮不遠咫尺一花五葉開證

樂成詩錄

卷三

五

果良有以譬如一鐙然百千然未已住世二十劫西天
一隻履苦海渡慈航打包走千里佛在舍衛城乞食不
爲耻如來有佛眼眼前卽靈址庭畔木犀香吾無隱乎
爾自證菩提心自豎天龍指此衣何自來此鉢何自起
色相大解脫離形舉其似慧可依位立是真得吾髓攝
衣攝一心無彼亦無此持鉢持一身無行亦無止知幻
非幻人一笑蠅鑽紙打破煩惱城高下平等視幾卷貝
葉經宗風猶在邇待登選佛場天樂奏宮徵抖擻衣上
塵龍歸一鉢裏印證佛祖心我聞亦如是

儒將篇寄贈諸葛樞生樞生以民團擊賊屢勝賊

不敢過蘭溪

寇氛滿天人帶甲大帥勝人健腰脚尾賊之後出賊前
守所不攻合兵法赤波膏血吳江流湘水鯨奔據秀州
頗牧不聞一錢值黃金千兩書生頭賊懸賞金千兩贖
獲諸葛壽燾前聞
某大帥在日賊戲懸賞
格獲某帥賞一錢 書生羽扇家風古不戴兜鍪戴

章甫連鄉聚作君子營毛錐銛利勝刀斧江浙千里無
堅城婺州三面風鶴聲激水截江壘天險風香蘭苴溪
流清休說談兵僅紙上此才不愧古儒將詞壇舊日飲
文名帝城一晤屢惆悵宗工巨眼羅英才雋聲高壓黃
金臺戴筐六星射東壁天衢各各騁龍媒君以直言忤

樂成詩錄卷三

三五

眾忌

君應甲辰京兆試已入魁選
以三場策有忤時語見擯

京華何能溷一第奇

氣磊落超人羣明經不下青衫淚學養深邃經濟優不
須科第傲王侯如此讀書乃有用章句徒重經帷羞駑
駘天閑飽芻粟驂駟策雲羈逸足偶爾嘶風萬馬瘠羽
林猛士頭欲縮尙書督帥冠義義連營齊唱解散歌佛
性慈悲賊憐閔書生殺賊將如何

和宋已舟作

到處驚風鶴何時見止戈儒生經濟短巧宦戰功多讖
緯傳天戒悲吟當凱歌天涯同作客又是一年過

真娘墓

欲喚眞眞出癡雲滿虎耶殘陽餘片石紅粉亦千秋環
珮仙風杳煙花客夢愁錢塘蘇小小一樣賸風流

曉發楊子江

一棹秦淮水東風趁早潮雲煙橫北固金粉寫南朝日
上千帆聚波恬五兩飄平生詩酒意直欲灑金焦

淮北聞警南旋卽事

忽傳烽火照淮陰一曲迷陽恨不禁貪餌忍毆魚入網
驚弓且逐鳥投林短衣躍馬空遙想濁酒澆胸減壯心
莫慰顯揚徒跋涉思量歸去費沉吟

樂成詩錄

卷三

三六

幸無歧路泣亡羊羽書絡繹春波駛鄉夢闌珊夜漏長
雞肋微名猶戀戀高郵三日泊迴塘

名途蹭蹬竟如斯中道先成下第詩三十年華羞鏡鬢
四千里外悵塵緇妖雲暗墮神仙鳥陣月寒歸漂母祠
此地安危關國脈雞蟲得失復何悲

黃河如帶屬卿材節使旌旗近上台轂擁朱丹誇坐鎮
丸探赤黑亂飛埃前驅已報桃源失曲宴猶傳菊部來
驚破笙歌謀易服淮成誰爲築行臺

咽喉重地達京畿誰撤防秋致失機瓦解人情拋故壘
火攻寇燄逼征衣天狼夜逐橈槍出檣燕春隨旅客歸

先我着鞭知幾輩想應盼斷雁南飛

薊門煙樹渺春雲道塞夷庚阻寇氛戚友夢傳麟鳳榜
郵程膽落鸛鵝軍潮翻淮浦江三折光黯揚州月二分
北馬南船行不得鷓鴣聲唱那堪聞

客路迢迢早憶家避兵況復慨蟲沙平准合讓裴中立
泛海還偕蔡少霞遲我朋簪燕市酒撩人鄉味雁山茶
江東父老如相見休問長安及第花

轉瞬前游已十年河梁回首感桑田洗兵擬獻 中
興頌玩寇虛糜內府錢且幸餘生逃虎口漫勞骨相說
鳶肩歸來料理名山業潔養蘭陔樂事全

樂成詩錄

卷三

三

贈施蘭友重築七里大埭

咸豐三年七里大埭被水圯徐惇士吳荆山
施蘭友倪醇士鄭夔甫等各出鉅金築之

昨歲淫霖激海波橫塘衝決歎如何捐金豈爲矜豪舉
擊壤重聽唱好歌邵伯埭成棠蔭滿蘇公堤築柳陰多
五君並詠原公論林啟亨有倡始還輸績不磨倡始謂
趙振川

築備

倪兆禧字醇

先生性穎異喜治詩古文事母以孝聞瞿寇亂時
常散粟募鄉民團守七里大埭圯出鉅金同徐德
元築之卒年僅三十餘前輩林啟亨挽以詩云召
伯埭成民共感唐公墨固賊難挑其推許如此

九日玉甌峰記游

樂西多山水玉甌稱第一造物巧設施鑿此神奇質我
亦癖中人素性本坦率山水有奇觀安可當前失秋來
籬菊黃登高乘九日天掃塵雱開涼風吹瑟瑟臨晨結
伴侶同懷皆超逸冠者五六人童子復六七攜手踰丹
芳聯步尋石室初入薜蘿徑清泉來汨汨指顧蒼冥間
高峰何律翠衆山遙拱向隱現疎而密行行且復住遠
近評甲乙或如碧玉簪或如芝草盤或列如畫屏或矗
如文筆石罅噴紅泉飛崖何太疾恍若珠簾垂又若露
珠溢顆顆滴圓漚窮源終莫必智巧未可爭靈妙誰與
匹更從仄徑行羊腸恨蟠屈況乃十三盤令人心惴慄
樂成詩錄 卷三 三

累折始入洞靈境訇然出半天玩朱霞散花紛繞膝碧
蘚別殘碑古篆難具悉薄暮還稽留清談抵捫蝨焚香
讀黃庭亦或證丹橘庭前蝙蝠飛空階吟蟋蟀靜寂無
俗情神凝志自壹始信攝生客得此長年術我今爲此
游心跡添靜謐

過四十九盤至能仁寺

村路出芙蓉盤紆歷幾重林深藏古寺山靜度疎鐘絕
壑畱踐徑嶢巖列焰峰藍輿姑緩緩且待叩禪宗

靈峰寺

寺左有火焰峯
望之色如火赤

入谷卽安禪中開自在天名山畱一勝古寺已千年

鼓僧房冷燈光佛影圓金經遭劫後

相傳宋仁宗賜金
千卷今已散佚

何處悟真詮

蔡

書

字韻生
邑諸生

宿靈巖寺

小憇僧寮思悄然西窗剪燭不成眠
山中一夜風兼雨時送湫聲到枕邊

大龍湫

如雲如霧復如煙天際飛泉落眼前
疑是天孫裁素錦卻遺匹練掛山巔

陳崱呵

號玉波附貢生

樂成詩錄

卷三

三

書齋漫興

朝朝兀坐小窗陰一幅詩箋一曲琴
對客不妨忘爾我擁書且自樂披吟
草因陋室多生意蘭爲幽人寫素心
敢謂此身能免俗祇緣靜處滌塵襟

樂成詩錄

國朝卷四

陳

肆 字樸生咸豐戊午歲貢

先生砥行勤學熟詳史乘於古人成敗得失往往發諸吟咏以抒其議論其詠史詩數十首為林大椿所推服大椿贈以詩云績學探本原我愛兩陳君蓋兼譽其弟厚石先生也晚年築書室數楹同子姪輩寢饋其中見有鄉先哲遺書必手自鈔錄或從故舊家搜得殘本必補綴成泐其好古不倦如此所著詩草四卷未付梓

詠史

武侯屢伐魏討賊大義明溫公撰通鑑入寇肆譏評朱子言行錄採摭及惠卿賢如劉安世全書無姓名千古兩偉人功業炳日星千古兩道學著作違人情豈係一

樂成詩錄

卷四

一

時誤度量寶未宏一祖司馬孚宣王乃其兄使以帝與蜀助逆稱家聲一為殿上虎常詆河南程使稍見柔翰門戶習不成一概屏斥之以意為重輕萬古有公論開卷歎不平

從來顧命臣與國同休戚非若小丈夫處事矜矯激明世如武宗亶聰實昏德義子據要津八黨虎而翼邊地調精兵豹房選殊色張綵焦泌陽助黨肆蠱惑幸有李文正調停於君側禍黨默轉移善類陰受錫凡其所推轂後各樹偉績當時若無公其何以能國奈何門下士遺書譏伴食

謬醜至自虜位尊已莫京使任岳忠武恢復洗羶腥功
成歸帷幄萬古垂芳名何事興冤獄小朝壞長城秋壑
際陽九殊禮冠盈廷何事襄陽急十年無援兵棄材資
強敵義士泣冬青謂爲媚敵計無材國隨傾謂爲一身
計國亡身何榮拉鴛義憤激鑄金公道明始知韓平原
未足玷家聲

相臣有相才尤必有相器惜哉張江陵才大器則未當
國十年來彌成萬厯治因此廣德心千秋仰名世乃藉
震主威養重自尊貴親王稱門生同官如屬吏藥石有
直言廷杖苦相繼卒之骨未寒夏楚及兒輩自是秉國

樂成詩錄

卷四

二

釣畏禍相趨避軍譁無良籌餉絀鮮至計釀成闖與獻
陸沈神州地盛平罵奸雄危難思幹濟蓋棺論乃定懷
古爲垂淚

唐有仇士良致仕歸私第同惡罄腹心教以固位計謂
君勿令閑宜娛以美麗美麗蕩君心無暇及國事不可
令讀書使與儒生契讀書知興亡吾輩難得志自謂慮
患精我謂實非智內侍效忠誠亦足膺重寄何必肆蠱
惑天位同兒戲矧君旣昏德大寶焉能繼未聞國運傾
富貴常如意不觀天復末宦豎無噍類

密得軒雲路明府齋中觀所繪麒麟像

賢侯喜下士琴堂盛栢杓宴闈觀所陳古器紛燦燦中
懸畫一幅有獸形嶽嶽前控一蠻奴藍衣朱絲索牛尾
而麕身長頸高四腳似馬頭嶄然似鹿形不惡殊形寓
目罕相視多駭愕幸有字數行如喚睡使覺言圖所由
來實始明永樂屬國榜葛刺土沃人質樸皇明應運興
守藩膺封爵忽有瑞獸形色黃鱗而角足不履生蟲行
不觸穿鄂聲音協呂律跬步中矩獲古所謂祥麟厥狀
一無錯重譯來萬里底貢奉正朔天顏顧而笑自矜德
不薄是時官在朝繪圖相描摸臨摹到于今世換形如
昨歸檢史冊觀所載一一確因思麟之靈爲瑞同鴛鴦

樂成詩錄

卷四

三

獲麟吾道窮麟至聖人作成祖本藩王篡逆肆殘虐骨
肉剪燻燻忠良族方卓故主稍周旋淫刑逞剗言神武
雖有餘仁義終多忤麟也胡爲來甘受鞶勒縛想夫物
類繁形似難臆度孔雀指爲鸞鷲鷲狀類鶴瓊花玉藥
混幽蘭續斷托衰世黃河清亂朝甘露渥彼麟亦同然
似否難置囑宜聖長已矣歌罷付一嘆

俗謠

十首錄
四首

生男願娶婦少長必議婚古人欲娶婦娶婦求淑媛今
人欲娶婦娶婦掇高門東鄰有一女窈窕性和溫冰人
屢執柯求者意莫存西鄰有一女驕悍多笑言雙親意

遲疑求者不憚煩娶婦得東鄰家貧婦道敦終日弄機
杼勞力養椿萱娶婦得西鄰家富身自尊舅姑若秦越
谿勃聲擘喧兩途自昭昭娶者何昏昏炎涼成世態此
道與誰論

親在無私財古訓有深意奈何壯有室分財以自利鶯
聲惑巧言鴿原昧至計察及雞豚輕較及錙銖細邛壑
偶不遂推刃及同氣高堂雙白髮呼天不能制作法既
如此後人已切記身自爲父母子弟尋舊例九世而同
居我思張公藝

古人始制藥救偏非常服今人性嗜藥參耆同粟菽不
樂成詩錄

卷四

四

特難延年頓教壽命促因思其所由不憚再三瀆人心
日澆漓人欲日逐逐聲色好之專貨利嗜之酷四者如
盜賊日夜來摧衄疲我精與神乞靈草與木況乎藥味
效損益相倚伏培火則水虧滋陰陽不足盍服二味丸
寡慾與獨宿

師道尊莫京其職在教育風俗日頽下覓利紛相逐上
順父母意下徇子弟欲揚揚富家子楚楚好衣服四子
讀未竟皇皇欲干祿每當館課時懶祭搬在籠內增焉
哉乎抄撮成篇幅不分首與尾何論眉與目更有尙盜
襲藍本矜所獨張冠竟李戴鵲巢爲鳩築師揣溺愛情

反諛精進
兄聞諛言喜色若可掬待師禮益隆敬
奉酒與肉誤彼後生年飽我孝先腹皓首何所成糞土
與朽木

徐乃康

字春臺同治壬戌歲貢

陳熾曰吾邑徐春臺明經幼穎悟善咏吟九日借
同人登西山有警句云黃花三徑瘦紅葉萬山秋
一時有徐紅葉之譽弱冠試輒冠軍秋闈屢躋遂
鬱鬱不得志家素豐性孤峭不諧俗而利其財者
從而擲掄之然亦不與之校閒居藉文史自娛得
借吟咏以消懷五言如感事云題孫琴西長詩得
性情真晚年閱歷語也七言如學從琴西長詩得
客受經圖云此日文章尊鳳閣當年聲價重雞林
脫胎唐人句妙能出
以莊重足資諷誦

感懷
八首

樂成詩錄 卷四

五

大器多晚成奇珍宜韞積躁進以自媒所見苦不卓愚
哉荆山民屢獻和氏玉智豈不如葵已難衛其足俟命
信無尤求榮恐召辱

精金百鍊鋼有時柔繞指能屈始能伸此中具至理我
聞淮陰侯登壇號國士當其未遇時甘受袴下耻又聞
張雷侯圯下忍納履一朝帝王師風雲已兆此

豫章蔽雲霄匠石過而取山徑叢榛荆樵牧縱尋斧多
才信招尤不才亦召侮何術能自全明哲果誰許三復
蒙莊言大指已具舉才與不才問吾將審所取

往者武鄉侯讀書觀大旨抱膝梁父吟才智靡所恃自

酬三顧恩有如魚得水管樂何足云伊呂差可擬俗儒
矜涉獵一得輒自喜摘句與尋章何嘗與治理

石以玉而琢蘭以膏而焚懷奇苟自炫羅網徒紛紜嗟
嗟禰氏子意氣凌紫宸萬言賦鸚鵡傲睨空等倫可憐
漁陽操文彩終殺身

文字昔有作神聖開其先布帛與菽粟日用難棄捐至
聖若天縱信述猶拳拳何來翁毘子故紙空鑽研殘膏
并剩馥輒思垂簡編詎知不轉瞬變滅隨雲煙所以徐
孝穆藏拙投長川

子雲莽大夫休文徐家令至行苟有虧才華亦已病緬
樂成詩錄卷四 六

懷古修儒名實能兩稱如金受範精若木從繩正後世
讀遺書淵然見德性豈惟師善良抑亦式好佞不見漢
黃巾猶拜大儒鄭

平原有蘿蔦施彼榆與桑一朝澤雨露亦覺回芬芳掉
頭笑凡卉自夸顏色強詎意霜霰會根株枯且僵托身
籍倚傍終焉非允臧徂徠歲寒樹獨立長蒼蒼

沙川吟爲趙氏陳氏兩烈婦作 有序

趙氏陳氏沙川黃玉樹及弟玉璜室也壬戌春粵
匪窳踞縣城兩烈婦奉姑避匿舟中忽驚賊至趙
氏乃遺其孤於姑與陳氏俱赴水死賊退其
族人黃虛谷茂才爲之徵詩作此以弔之

腥風捲地日光蝕鼙鼓聲中血流亦何堪青犢恣橫行

悵望東南少堅壁，妯娒匿沙川邊扁舟。一葉波吞天
賊徒逼視，顏色豔甘言軟語，何纏綿誰知巾幗有至性。
奇計早從倉卒定，妾身不受紅巾污。妾心還與白水證，
再拜向姑前致詞。媳今敬以藐孤遺誓，願此身葬魚腹。
牽裾赴義，甘如飴。澄潭完此冰霜節，路旁賊酋亦咋舌。
嗟乎君不見，開關納土爾，何顏烈婦之烈難復難。

九日同周裴友蔡子釐登西山

絕頂蒼茫際，登臨到上頭。黃花三徑瘦，紅葉萬山秋。
詩酒聯今雨，煙霞認舊遊。茱萸拚一醉，吟望幾句留。

題錢古坤學師焚香省過小照

樂成詩錄

卷四

七

兀坐氣蕭森，爐煙盪夕陰。靜依空外影，細檢箇中心。
人定香畱坐，天高月在林。西齋銘待續，冰雪浣煩襟。

聞陳琴齋其泰天子卒於福州幕中詩以哭之

閩嶠愁雲滿，人間失典刑。西風吹噩夢，南海殞文星。
烽火長途梗，行囊驛路經。一棺何日返，遙爲奠清醞。

大府資籌策，追隨此老成。柳營晨起草，蓮幕夜談兵。
先生

歷佐大一室多忠烈，海鹽城陷先生婦餘生望太平。
女暨從子均殉難

知蓋棺日墜，泪有公卿。

手姚趙二公

甲寅東鄉逆民瞿振梅亂城陷
協戎姚武城典史趙映南死之

凜凜水霜操，諸公氣節伸。姚興能死寇，趙縱亦成仁。祀

廟酬他日邑人供設二公捐軀重此生連章陳大吏姓

氏耀 楓宸

感事

海甸徵兵急籌防俗苦貧學從憂患長詩得性情真烽
火驚千里煙花冷一春長城恃諸將何以答

楓宸

題孫琴西太史海客受經圖二首

聖代車書訖四夷浮航來習漢官儀人師孫復經傳古
島客王彬字問奇燈火三年留墨妙畫圖一幅寫歡斯

文獻通考疏球 國王姓歡斯遙知別處歸家日猶憶春風入座時

樂成詩錄 卷四

八

蓬山高絕快登臨炬送金蓮照夜吟此日文章尊鳳閣
當年聲價重雞林清時八表同聲教遠道三山佩學箴
我與先生共梓里披圖直欲問南鍼

題亡友曾小石詩集

一種聰明繼四靈當年高曲唱旗亭吟懷欲問天邊月
身世空留曙後星君身後 止一女宿草無情頻寄憾生花有管

尚流馨祇憐平子工愁處掩卷淒涼不忍聽

董序賢號丹山咸豐 庚申歲貢

先生熟於經學所作制義沈細精微卓然可傳詩不多作只採得數首謹錄之

題蓮池洗硯圖

青士蒼官繞綠雲笑他熱客苦紛紛願公普施清涼散
各給蓮池水一分

伊人雅愛水爲家弄月吟風興倍賒壁友也如公好潔
淥身每傍碧蓮花

雲腴一片巧雕鏤封邑應稱卽墨侯萬朶芙蓉侍湯沐
端卿眞箇是風流

雲錦紛披互翠塘添將積瀦倍芬芳一池香氣渾難別
問是花香是墨香

爲拓芳池擬右軍愛蓮仍自鍾清芬漫誇富貴花多豔
就裏曾藏萬石君

樂成詩錄

卷四

胡維寬

字次恭邑諸生
著有杏橋詩草

張耒詩序畧曰次恭爲放仙堂弟天姿穎異少
卽不凡同治壬戌賊陷樂城疾趨永嘉神溪請兵
至青嶼村補兵懼賊藉口糧匱輒潰去次恭知事
不成仰天呼慟一躍投清流而死年僅二紀悲夫
子執以聯云越境乞師慷慨堪追南八志
懷沙隕命幽思爭弔屈平魂蓋深惜之也

綺園行

造物多偏意羸縮自不同沃野築廣園氣象驕天公奪
路置樓閣削禾栽花叢竭盡神鬼巧自顧嫌未工池館
雅人事屠沽非所宗有客邀我去攜手亦翩翩入門未
數武百卉競華鮮玉簫和彩鳥鐵馬戛高檐水竹引入
入穿花登洞天游魚唼落蕊繡閣橫池前可見不可卽

香聞環珮仙嗟彼妙布置畫者何能傳予言僅可耳未
足繫我思吾有一美苑不費絲毫財其山則泰華其水
則淮沂維揚醉風月巫峽滿亭臺芳草雨來苗好花春
到開欲遊即可游彼蒼難我羈聞者粲然笑予亦怡然
歸

暮春雜詠

六首錄二首

生意滿天地春深興轉宜開窗山對酒攤飯鳥催詩峴
首休垂淚商山自採芝卜居應共慰漫讀楚騷詞
萬頃江田繞魚鱗比屋斜雨新沿岸柳月引隔牆花薦
葦春烹鱉齋泉夜試茶鄰翁時過訪閒與話桑麻

樂成詩錄

卷四

十

西湖雜詩

六首錄三首

一逕入湖心水雲飛未沈樓臺工接客魚鳥解彈琴秋
淨波逾闊花多晴亦陰山行已清絕梅樹況成林
洞古猿呼月亭高鶴放風荷香秋水外渡喚綠陰中買
醉隨游客觀魚問釣翁菱花萬枚鏡曾照宋人宮
纔出金門外冶游半少年綠楊三竺寺紅藕六橋船到
此皆裙屐無家不管弦醉中書疊紙白傳有前緣

暮春寄林靄堂瑤

滿天春色畫簾收日倚欄干境自幽芳草怒一作喜生新
雨遲夕陽貪一作閒上讀書樓花開芍藥人千里地隔蘼

葭水一洲好，遣東風問消息。淇泉雞黍感同遊。

寄懷董琛船佐

燈下閒看雨鬢蓬，蒼涼宇宙暮煙中。亂惟亟甚才方出，策到窮時氣轉雄。五夜雨聲蕉葉淚，三秋酒味菊花風。江都自是無雙士，悵望雲天聽漏銅。

七月十九日赴省試

又東行裝事遠遊，鯉魚風裏上蘭舟。舉杯先酌窗前竹，時報平安慰白頭。

舟過桐廬

溪行無復辨東西，兩岸樓臺一望齊。貪看山川忘作客，

樂成詩錄

卷四

十一

陂塘處處水禽啼

張考吉

字履齋，廩膳生，議叙訓導。

先生品端方，性剛直，通經博史，尤長於詩。同治初，粵賊陷樂城，嘗偕胡維寬趨詣柘溪，請兵柘兵懼賊勢猛，藉口糧匱解散。先生復同吳永估等再整團勇與賊戰於白沙，是樂城克復。先生實有功焉。

擬陶淵明田園雜興二首

一官非所好，塵網三十年。我圖適意耳，解組歸田園。桑麻長逕外，苗麥綠利前。有時思太古，把卷手一編。開軒招父老，相與話禾廩。所欲了無異，得趣常悠然。何必思辟穀，杳渺誇列仙。

稷稼致平成，集隱從所欲。一進一退間，自古無成局。我

從南畝中遍種豆與菽收成得了飢樂天無不足

手胡次恭行

吁嗟次恭爾去竟何從報國書生志披肝俠士胸掃除
禍亂干將出奈入平津躍劍龍一解歐之東雁之北烽火

連天征衣逼慣入深山借箸籌苦乏擊椎力士力視此
芸生誰休息二解奮臂一呼起義聲貔貅匝地助長征櫓

巽樓船破浪下沉聞櫓溪敢戰名重繭關山募遠兵三解

維四月哉初生魄敗行庸調勞壁畫晉人三豕前渡河
朱郎一軍爭息革讀祝太真聲淚寒勉哉此行情共迫

前驅裹糧祖鞭策四解煙雲障野鳥聲酸籌唱沙量感百

樂成詩錄

卷四

十一

端日薄柳營巢燕壘風飛花陣散蜂團傷心家國事恨
極蕪忠肝力竭身孤赴急湍五解駕濤蘇子去徘徊憤激

犀軍力共催盪平仍砥道嗚咽此泉臺畱作人間弔古
哀六解我行矛戟奮同仇奇氣逼人君不猶芳草萋萋傷

已矣官塘河水總千秋妬敵禰衡鸚鵡洲七解

哭臧炳森林清媚吳忠良三義勇

壬戌四月諸君與粵逆拒戰於白沙等處大
旗忽折諸君陷陣而亡

誓掃攬槍去三良整義兵戴天仇不共斫地恨難平凶
讖旗先折忠魂劍欲鳴白沙酣戰處忍聽子規聲

題杏橋詩草

朗澄澄潭月滿襟踏槐忙過續閱吟浮名戀戀輕雞肋
秋思悄悄入雁羣湖海元龍多逸氣山川司馬寫雄心
一樓花萼畱餘墨吹斷堦簾恨不禁

縹緲騎鯨白也行豐城劍氣尚豪橫山陽笛裏人何在
嵇散琴中恨自生熱血早教和淚灑悲風長聽挾濤鳴
畱題譜作漁陽操憑弔芳洲禰正平

張王臣

字載亭
廩膳生

先生好學能詩兼工駢體文年僅

四旬而歿遺稿散佚人共惜之

張烈女行

監生張亨賓女與父同避亂於大溪山中見父死於賊罵之賊刃其喉而斃

陰風夜黑叫鴛鴦女貞樹杪聲啾啾美人遇賊如遇鬼

樂成詩錄

卷四

三

旌旗慘淡天地愁繫維吾宗女皎皎孰與侔問年破瓜
後問字及瓜秋吁嗟鄉闕不可畱狼煙蠶起山之陬阿
爹罵賊死於賊女兮一命輕如漚恨無木蘭勇敢懷杞
婦憂此是男兒不共讐賊腰奪刃刃其喉霜鋒三尺血
三丈紅零綠斷青燐幽壯哉一門萃奇節女弟自縊亦
寡儔楊花輕薄李花亂春風楊柳誰家樓丈夫堂堂鬚
眉賤奴顏婢膝生也偷安得有女如斯烈大溪之水萬
古流嗚呼大溪之水萬古流

鄭夢松

字履培
邑諸生

先生與弟夢白夢江同學於舅父林大椿大椿先生教以作詩之法故兄弟三人皆以詩名

送離尹江叟未之省

公自福州來其歲當甲子天意非偶然乃遣公至此學
道能愛民吾鄉亦幸矣廉潔懷清風此心淡如水知命
安固窮不愧古賢士奈何之武林遠別千餘里夢魂與
公通相思自今始一往而情深何以報己知我歌古別

離行行心如擣公來一何遲公去一何早識公僅一年
使我未聞道相契以神交晨夕樂傾倒別我此一時豈
不傷懷抱黯然難爲情餞行愧草草區區明寸心始終
幸相保珍重行路難平安我所禱

鄭夢白

字星波
邑諸生

樂成詩錄卷四

十四

送離尹江叟未之杭州四首錄三首

依依送別怕臨歧魂斷驅歌欲去時料理行裝無別物
輕舟歸歷一囊詩

巖巒萬疊白雲間蹤跡年來幾往還天與先生健腰腳
好教飽看浙東山

勝水名山有夙因愛從塵外着吟身痴心欲向西湖賀
又得詩翁作主人

叟未先生有武林之役前有四詩送行因意尙未

盡再作一詩以敘餘情

二月春夜遲我正北窗睡夢公從外來相見心欲醉隔

夕又夢之笑談枕上記醒悟此中緣會合有深意我以
公爲師豈可失交臂意氣兩相通所重在文字暫聚卽
遠別浮生本如寄且說夢中夢來去果何爲作詩自思
公時落多少淚

鄭夢江

字雪濤光緒
庚寅府學

恩貢

采茶詞

鄰女相呼茗花熟明朝採茶雁山麓芙蓉村住芙蓉莊
那識人間羅與縠龍湫之旁雁湖西自攜筠籃自相逐
山路崎嶇不易行終朝采采難盈掬拔條驚起飛鳥啼
啼出春愁千萬解憶得凌晨出門時儂夫囑儂歸宜速

樂成詩錄

卷四

五

竈前旣無一束薪牀頭又少斗米蓄貧家夫婦自苦辛
何以高堂慰梁菽吁嗟乎頭綱茶到朱門賣朱門猶作
鴛鴦宿

記夢

蓬萊在何處託夢到僊家有客跨黃鶴招余餐翠霞酒
酣邀海月人靜落松花欲返尋歸路煙雲繞水涯

黃夢香

字子興號崑南例貢
生著有草廬詩鈔

朱壽保曰先生少有異稟長肆力於古文詞居小
樓羅列書籍寢饋其中意有所識於詩發之爲人

仇爽尤
篤友誼

履霜操

父兮母兮獨不念兒罪伊何兒胡不知兒生不淑罪
當放逐朝履嚴霜暮宿空谷悲風蕭蕭仰天號哭兒獨
不歸云胡不悲兒飢何食兒寒何衣芟荷不暖棹花終
飢父兮母兮豈不我思維烏反哺維羊跪乳兒何爲兮
生死不見母與父瞻望門閭日暮愁予念彼鳥獸兒猶
不如

記水災

咸豐三年夏歲運值艱否乾坤吾父母不復念厥子日
月有薄蝕大地震遐邇燹惑復入斗災變難屈指五行
衍疇範厥咎惟大水于時方恆暘一雨昨可喜旱魃蹤

樂成詩錄

卷四

六

始潛餓蛟口忽哆卜云月離畢滂沱波涉豕黃河掀欲
翻天漢瀉未已漸漸沒廬舍浩浩靡涯涘其銳孰敢當
厥狀窮方比如排千鐵騎衝突無堅壘如巖萬雷鼓霆
震魄爲禡海若挾馮夷角鬪弄奇詭鼉風連六鼉負山
輕于楮餘勇壓重城一掃空百雉吾生斥鹵鄉背山憑
碣礪壑盈苦艱洩洩乃不能駛怒鬱氣益張川陸厭吞
噬我欲補漏天恨無女媧氏牲玉旣告罄蘆灰淫莫止
皇天豈不仁號呼乃充耳羣黎足顛沛神明蒙詬訾性
命良自愛求全無全理但許骨肉完飽煖敢挂齒汎舟
試求粟作帖聊乞米有米仍無薪摧燒及鬻櫟望望煙

火絕溝塹壑同委生者息或延逝者難亦被漂流干槥
橫析裂萬骸齒穿鬼無故新劇痛入骨髓僥倖水歸壑
禾耳穀成糝食爲民之天無天民孰倚眼前瘡莫醫後
患定何似澆漓況成俗苟活寡廉耻寇攘終就拘血肉
盡鞭箠吾聞天灾行半由人事致可知造化心用意良
有以觀危警逸樂安見非福祉大哉吾

皇仁浩蕩

叵議擬有

詔劇哀痛格天方罪已幹旋手橐籥明

命屢顧謔調元燮陰陽陳條立綱紀會見禎祥徵屢豐
自今始風雨皆甘和吾將歌喜起

送龔尹江弢未解任之武林

三首

樂成詩錄

卷四

七

我今送公去分手登輕舟願公且小住而公不可留憶
公初來日於歲僅一周使我早識公庶幾學業修誠知
聚卽別何似勿見優此別不可已後會終悠悠丈夫出
應世但期壯志酬行矣勿復道後會豈無由捧檄泣我

鄉去歲初夏日沿江數千家同聲祝坐佛小試鹽梅手
歡情閭里溢始知吏治仁卽以規學術直道不可行恐
遭時人嫉他人去官憂公憂去不疾借官游名山意不
在祿秩雁蕩二百峰豈肯交臂失少讀古人書立志在

尙友以古例之今古是今獨否公名滿浙東豈居古人
後見公道氣深飭躬何仁厚及讀伏敵詩歷劫長不朽

公行今人無宜與古人偶公詩古人無竟爲今人有

攷未江君將之杭以龍湫院圖見贈作詩題後兼

以送別卽次其集中答子長作西湖圖見寄韻

公辭雁蕩游西湖臨別贈我龍湫圖別後思公隔千里
披圖其如見公乎恍然神隨公游名山裏煙光雲氣同
模糊中有廬舍境不孤瀑布如練條曼鋪遠樹隱隱疑
荻蘆昔者論交黃與蘇師友之間見眞吾曾續坡象懸
座隅瓣香願作蘇門徒而我交公僅一載送別各分東
西途公旣知我尤愛我徒以跡論毋乃麤公猶坡乎我
猶谷憶公祇恐詩腸枯畫裏相尋差自娛欲往從之隔
樂成詩錄

卷四

六

凡軀西湖之船倘可租可能許我同游無恨不日日陪
杖履徜徉山澤大叫呼更願他日寄圖添畫我從公重
訪龍湫登雁湖朗誦公句聲烏烏

哀江頭 併小序

甲寅閏七月六日台郡海溢
太二邑被溺者頗多作詩弔之

陰風慘淡愁雲赤蒼天無門地無脈馮夷擊鼓神工驅
倒移長江上簷脊旋流縛人浪拔屋回頭齊起大海積
積屍滿地無完膚白骨亂於砂上石野燐失色螢無光
血飛四射污魂魄乍聞鬼哭聲漸高四山啾啾風雨夕
可憐萬口同日死骨肉無人復誰識縱有巫咸不能招

梓里已墟斷血食枯骨暴露砂礫間路人悼歎嗟無策
狐狸成羣蛇虺鳴攢穴髑髏恣搜索游魂欲歸不敢歸
江湖漂泊無家客吾聞此地有巨鱗目如電光齒如戟
縱身怒裂滄海開鼓鬣橫填河源塞書食生人夜食鬼
百怪遇之不能匿嗚呼魂其歸來兮回浦之濱非爾宅

雜詩二首錄一首

忽見故鄉人相逢問恐後當君臨發時我家平安否

鄭

笏

字播軒布衣
兩亭次子

家傳畧曰播軒幼穎悟善屬文府試冠其軍未及
院試而卒府尊張公璫聞而惜之爲梓其文曰表
徵試卷詩不多作
僅採一首錄之

樂成詩錄卷四

九

玉溪山晚眺

獨步溪山思悄然名韉利鎖苦相纏好峰如畫驕秋色
流水無情泣暮煙一塔鐘聲黃葉寺半江帆影夕陽船
遙知世路崎嶇甚願伴高僧共學禪

鄭協恭

字馨安邑諸生
兩亭四子

次徐愷士先生樂成感事原韻四首錄一首

仗義誰言屬儉屠盡忠惟恨此心孤楊璇拒戰稱堅壁
賊初犯境水障楊夢周處無援泣向隅賊至密畧周化
龍挺身奮擊

自愧匡居無遠畧還期當事有深圖只今時切中興想

大凱何時達九瞿

衢通

陳

誥 字笛舟
布衣

先生性疎曠喜讀書不求榮利少年學詩于林大椿先生大椿先生極賞之後因小試不利遂以釣游自娛其友黃崑南作十八灣漁隱圖序贈之又善秦章前輩陳璞山亦贈以詩云清談常驚座鐵筆自超羣

客邸書感

黃葉感飄零長亭復短亭忽來雲外雨
况在客中聽折柳情無限澆愁酒未醒淒涼何處笛
昔入暮煙青

暮春有感

春光忽已暮風雨奈愁何詩味濃於酒
人情薄似羅劇憐知己少生怕受恩多
遙想淮陰事凭欄一嘯歌

樂成詩錄

卷四

辛

雨中聞笛

風雨颯然至山齋欲二更一聲何處笛
吹起故園情有客正愁絕蕭然對短檠
江干好楊柳搖落感平生

客中有懷

不知霜信到黃葉已驚飛八月西風
巨天涯未授衣夜長孤館寂地僻故人
稀明日寒江上揚颿緩緩歸

玉虹洞

危峰矗立洞天開遙望渾疑白玉臺
九曲徑隨山勢轉千巖風送水聲來
仙壇晝靜眠元鶴藥鼎春深長綠苔
縹緲鐘聲雲外度此身恍似入蓬萊

偶吟

塵尾憑誰問六朝柴門長掩自蕭條
種花有致招飛蝶沽酒無錢典敝貂
一角山昏知欲雨半江風急覺來潮
多愁自是無情思且讀南華散寂寥

閏中秋夕復集同人賞月

才過中秋未隔年中秋又到倍懽然
人喜作連番會明月平分兩度圓
高詠猶懷牛渚夜長歌再祝廣寒仙
兒童笑說如無閏已過重陽第幾天

清光回首依然好詩酒連迭勸酬客館恍疑成隔歲
人生難得此中秋霓裳曲合翻新調鴻爪泥曾記舊遊

樂成詩錄

卷四

三

孤負良宵無妙句姮娥未識笑還不

材際辰

字斐如
邑諸生

村居卽目

三兩村居共務農舍南舍北路交通
頭橘柚迎秋日籬角菊花曜晚風
稚子抱竿緣澗釣野人負耒帶雲春
卻隨落照尋歸逕回首西山暮靄濃

閱邸報有感

昨聞警報決堤防 聖念深維補救忙
豈忍吾民隨魚鼈極憐無地足耕桑
上官涕泣籌楮餉下吏因緣飽

橐囊寄語局中司會者須知頭上有蒼蒼

遊玉虹洞

洞口閒雲不可招
洞中僊去已迢迢
空山獨夜鳴孤鶴
滄海何年駕巨鼇
虹氣迷離凌北極
雁聲嘹唳度中宵
憑虛直立無人問
回首秋江轉暮潮

葉昌啟

字敬軒
賈人

遠客憶母

吾懷仲夫子負米他鄉歸
吾愛羗老來蹢躅戲斑衣
子離膝下忽忽何所之
憶吾年少時井里任戲嬉
甫壯遠服賈出門意遲遲
寒風生四壁颯颯透入肌
以吾憶樂成詩錄

卷四

三

母日知母憶兒時
憶兒多辛苦憶母年將衰
最難爲情者朝夕囊是尸

新秋

碧梧搖落小庭幽
讀罷離騷倦倚樓
扇團團捐未忍
飛鴻忽報一聲秋

春遊玉虹洞懷古

玉甌峯高接遠天
先生鍊藥幾經年
仙蹤縹緲今何在
巖草春深鎖碧煙

同時張曉樓亦賈而能詩
五言如春風濃似酒鳥
語妙於詩鷗情常戀水
蝶夢不離花七言如天
因有很多風雨人至奇
窮見性情皆秀麗可誦
惜忘其全首因附錄之

鄭協和字小亭光緒戊寅

兩亭五子

先生推誠無飾似其父然潛識內敏有天得童試
冠軍試諸生即高等辛卯歲年已五十餘偕子姪
輩應省試下闈酣睡次日振筆疾書而出已議取
中以詩中字兩重黜之旋卒詩有感慨不尙琢繪
惜遺墨散落存者只數十首耳

壬戌中秋示黃崑南

一樣中秋月今宵賞倍懽山川重意朋輩共團圓隱

几思前事登樓快大觀劇談忘夜永去露已團團

次徐懽士外舅樂城感事原韻

四首錄一首

黃巾敝藪記曾經瀉目機槍帶血腥傍海悲深魚尾赤
亂山踏破馬蹄青浮生莫挽兵戈劫避難時驚草木形

樂成詩錄

卷四

三

猶幸子遺重聚首只憐講學失儀型

王希帆學師周熙臺山長俱以身殉

國有重關川有防誰令蒼赤避兵忙亦思仗義抒忠悃
只恨臨時鮮智囊狡兔經營空有窟重離繼照正當陽
捷書近日重重報知有人如張子厚

和黃崑南秋間玩月

兩度蟾光一色天霓裳重奏廣寒絃別來匝月情何限
望去當頭喜再圓踐約也知如昨夜為歡難得是今年
會須共晉清平調譜出雙聲韻滿筵

陳

熾字小璞光緒辛巳

恩貢

先生性情簡默不喜談笑弱冠文名噪一時更肆
力於詩集中古體諸作氣魄沈雄近體較遜余擇

其尤者
錄之

戀花詞

豔陽時節花亂開遊人爭上百花臺誰家少年顏如玉
杏子衫逐香塵來柳邊看過桃邊去嬌桃嫩柳交相譽
意氣嬌狂蝶與蜂癡心還欲與花語與花語花難折悵
悵歸來怨離別春光寂寂春日遲燕尾鶯啼心如結吁
嗟乎人雖戀花花不知花若有知絲灑洛陽多少看
花子請君問花於誰最相思

海棠吟

磁盤海棠樹僅尺春光未半花爭發重跗疊萼交枝柯

樂成詩錄

卷四

十四

含嬌吐豔朝霞赤滿園桃李亦芳菲願作輿臺供婢役
曉窗暖日風景妍徘徊花下情脈脈紅肌浥露態輕盈
太真浴罷嬌無力臨風旖旎不自勝飛燕舞酣不肯息
想是天遣司花女海上移來神仙故 叢終日 枯腸
爲花吟罷還自惜今朝花開春正去才與春光兩相得
惟有主人顏色衰縱對紅粧羞鬢白

題李詩選註辨疑後

明朱蕩南
先生註

李杜文章光萬丈冠絕詞壇人共仰後儒註杜紛百家
各持觚稜多誣罔矧夫青蓮學士集當時半從斷簡緝
箋註縱有楊與蕭二李膺誣未能黜蕩南一叟儒雅師

耽吟惟羨太白詩蒼萃眾說神解悟刪勘僞體指瑕疵
毛詒鄭箋兩明晰六義昭然無支離我今幸獲讀遺編
心摹口誦明窗前俚句顛狂笑厠鬼天才卓越推謫仙
憶昔先生歸田後林下優游惟詩酒著成此書什襲藏
貽諸孫子望世守豈知落落數百年數典忘祖誰之咎
賴有章安孫方伯搜羅先哲舊簡冊是宦轍所經過
高價不吝清俸易我欲傳梨苦無

擬秋夜長

涼天白露霏明月映空幃長夜漫漫人不寐孤燈半壁
弄鴛機烏噪螢啼何幽咽妾心向誰訴離別漏聲滴殘
樂成詩錄卷四

五

風入牖軋軋機聲不停手明朝試問東家孃昨夜寒衣
織就否

吳瑞旦

字曉峯邑諸生
永信子早卒

輓胡次恭併題其杏橋詩草

春秋朝菌跡成空禍起機槍恨未身性外原無節義
騷壇中竟有英雄重泉莫挽乘波鯉往事徒憐印雪鴻
零落殘編人不見江頭黯黯曲旋終

未斬樓蘭涕泗漣壯心甘自入深淵充天塞地多奇氣
震古凌今有偉編志士何嘗忘國難仙人偶爾落塵緣
紅燈一穗搜遺稿相對還思起九泉

竹榻無人憶舊時
摩挲贖墨苦神馳
滄桑幻跡成蕉夢
天地孤吟入綺詞
杜甫悲歌憂世切
終軍壯志過關違
銅琶鐵板鴻章在
千古留名作豹皮

塊壘胸懷死未休
刀光斫地使儂愁
乾坤正憾荒涼劫
身世空悲汗漫遊
雁蕩曾偕康樂屐
巖山同上仲宣樓
至今露白葭蒼裏
惆悵伊人水尚秋

馮

字澗卿布衣著
有半耕軒吟草

劉之屏傳曰馮姓馮氏一名科字澗即晚恨無成自號負負農又號笨道人蓋自嘲也好吟咏不以貧介意嚴毅之氣至老勿衰故與俗多桎鑿常晝羣鬼挪揄圖以諷世對人好作長吁而詩獨平易近人南皮葛子周謂雅近唐之王孟江都郭外峰謂似宋之翁靈舒居風山之麓世業農

樂成詩錄

卷四

五

醉月軒題壁

三徑修竹幾間老
屋東偏有軒幽虛
若谷前有田園宜
禾宜菽後有溪山
載漁載牧左圖右
史春蘭秋菊獨坐
其中幽懷穆穆

抱膝長吟檢書時
讀興靜心閒與言
後有月當軒有
酒新漉舉杯相邀
聊慰幽獨爛醉如
泥抱月而宿名軒
醉月符我心曲

世事紛紛幻如蕉
鹿百歲光陰如駒
之速富貴在天何
庸僕僕死生有命
禍福倚伏惟茲醉
鄉孔多清福粟里
風流竊願私淑

題延祥寺僧房

竹樹繞禪房，深秋三徑荒。
風煙迷曲澗，鐘磬度虛堂。
游客穿雲慣，山僧補衲忙。
松陰涼滿座，相對話滄桑。

新涼

家居多暇日，病體喜新涼。
水竹抽新筍，鳴蟬亂夕陽。
遠山青入畫，纖月淡於霜。
更有秋風管，年到草堂。

江行

雲淨天空雨已收，半帆風景覓滄州。
白蘋灘上樓閒鷺，紅蓼花中繫小舟。
滿袖西風吹落日，數行木葉下清秋。
閒閒試問江干水，何事奔波不肯休。

樂成詩錄

卷四

五

暮春遊碧環院遇雨

古松謾謾柏蒼蒼，煙雨迷離到上方。
彌勒有情迎我笑，落花無語爲春忙。
六洲新水環牆碧，院後有六小洲三月單衣着體涼。
莫怪世情多變幻，如今天氣無常。

徐式庚

字賢庚邑諸生

呈張赤江丈

樞庭雅興訂同心，鯉對叨陪道範欽。
妙墨臨摹逾晉帖，清辭諷詠想唐音。
才疎自愧淵源薄，學邃從知器宇深。
且喜登龍蒙見愛，禦寒爲我特推襟。
首夏奉嚴君命晉謁留宿署內時宿雨初過丈晨起見庚袒臥特揭綿袍覆之

陳

荃字蓀卿號秋樵廩膳生

劉之屏小傳曰先生少負神童目書不再讀弱冠錄於序文名籍甚有問樂情人才多以先生對漢學西學諸書靡不精究吾鄉近日習二學者皆先生倡之年未四十而卒生平文不畱稿故詩少傳

題吳槎夫先生蓮池獨釣圖

壯不趨時老難諧俗溪水澄清如翁心曲蓮花幽潔如翁高躅一竿在手悠然自足世上分分舉非所欲

雜詠二首錄一首

柳望秋先香草經霜便槁人生非金石軀殼豈常保無如世人愚妄思求不老靈藥製金液神丹服玉腦本欲求長生反致戕生早夭壽各有數吾惟聽大造

樂成詩錄

卷四

天

送遠曲

驅歌載道車在路良人今朝杖策去男兒有志在四方賤妾安敢挽郎佳郎去妾不畱妾在郎莫憂郎有親妾能養妾有一言郎弗忘勸郎莫入死道願郎願惜聲名好勸郎莫行九折途願郎保此身軀秋風一夜香滿枝穩看吾郎衣錦歸

送施桐圃歸蟾河

翹首夕陽一望遙江干獨立暗魂銷無情最是東流水直送蘭橈過短橋

高一衡

字銓甫邑諸生

挽黃氏兩烈婦

青犢橫行入樂城城頭怕聽鼓角鳴百萬生靈遭荼毒
書卷淡紙上兵明日賊出恣剽掠窮鄉僻壤胥羅虐
雙烈欲避江之千一葦中流驚風舟中騎忽從南岸來
旌旗蔽日飛塵埃雙烈自度不能死赴清流無徘徊
榜人急急援之起起復強入深淵死一沮白水可盟心
蓉江之烈毋乃爾吁嗟乎晚近婦節多變遷雙烈之操
何其堅巾幗饒有鬚眉氣傳之千古常凜然

樂成詩錄卷四

林琪字海珊歲貢

三

鄭一龍跋海珊詩後曰海珊讀書好義至老不倦
同治初粵匪犯境海珊與吳永信諸先生督鄉團
以復樂城又嘗出鉅貲刻鄉前
輩葉正陽詩文集輿論俾之

輓姚烈婦后嶼姚某妻

君不見孝女江頭一片石外孫齋白畱遺蹟寥寥千載
鮮追蹤弈世興感猶疇昔虹川尚氏有閨媛孀於姚室
方新婚新婚十日遇寇警狼貪羊很掠山村郭路之山
勢險峻山麓有河源亦濬弱質入山恐不深臨波一躍
甘身殉輕身赴難完吾貞烈婦心同河水清勒石應繼
曹碑美青史萬古傳芳名

林瑤

字靄堂同治庚午歲貢

跋愛堂詩後曰愛堂爲海珊之弟其讀書好義一如乎兄同治初與兄同督鄉團以禦粵匪光緒初與子分修邑志互有攷証詩雖不多然詠節烈感時艱每有關於風教故特錄之

輓節烈林母瞿孺人

熙朝敦風教大造鍾靈異盡孝子一 翰忠臣身致婦

道本無成節烈豈幸事宇宙有三婦一 待斯不做自古

幾完人史傳寥寥記須麋猶獨難巾幗良非易卓哉瞿

孺人性行何純粹循循四德兼并年西河字椽斛稱禮

宗琴瑟篤伉儷無端鸞鏡孤殉夫誠初志奈此未亡身

樂成詩錄卷四

三

千鈞一髮繫事姑復撫孤子父職誰替兩純葉和冰艱

苦嘗已備蔗境屈五旬庶幾甘臨筮天顯潔白姿磨涅

非一試青犢倏彌山陷人禽獸類壁站忍爾羞瓦全矜

予智濁流逐滔滔誰欺雷王氣母唯 尚流舍生獨取

義命拚鴻毛輕懷密鳩毒置塵劫逼紅羊望風怡然餌

殘喘惡苟延入坎求速斃一擲沒未沒賊覺倉黃至例

戟出淋漓矢死百其計可陷欺有方轉瞬仍長逝蒙難

貞以完懷清風百世儼然彼丈夫汗顏翻無地昔聞烈

女操不波井水誓渺矣渤海風徽音嗟鮮嗣吾邑惟蓉

江李母輝前志蓉川母繼之後先播芳懿壺範光吾宗

小子才衷企述此俟輶軒他日彤史識雁蕩鞏貞珉

恩綸九天賜

籌防局感作

昔我嘗讀小雅北山詩大夫不均竊有疑盡瘁事國更
誰諉賢者獨勞固其宜碌碌因人予小子平生亦抱報
國思淺識寡謀無長技伴食徒令力力滋兩錢錐僅補
做履千金劍難斬亂絲諸公才望才望鉅懷忠秉正公
忘私高談雄辨英鋒發老成持重更吾師仄聞剛柔皆
美德仰歧俯就貴相資同人若非和衷濟大厦豈能一
木支鄙哉何來食肉者竟把太阿復倒持世亂古云用

樂成詩錄

卷四

三

重典苟且從事將何爲流賊去後殘賊繼益深益熟胥
怨咨急流紛紛圖勇退保身明哲率如斯獨余觸藩羸
其角於人何尤吾太癡安得汨羅起烈士謂胡君與等
大局勉匡時次恭

胡煥章

字瑞東光緒丙戌府學

跋曰瑞東性穎異通經史四旬時忽感風病不能
出外然訓誨子弟多所成就未嘗因病而廢學也

哭叔次恭先生

大阮風流了此生竹林寒月賸三更不癡臣叔詩心快
自厲王孫劍氣橫斫地有才歌磊落回天無力泣欃槍
而今風鶴聲俱杳猶憶棋談一局枰

徐宏祥 字雲坪
布衣

燈影

深宵曾自剔孤燈疎影鬢髮壓枕安爭似一竿紅日上
高崖絕壑寫峻嶒

秧針

新秧簇簇苗東菑宛似金鍼耀夕義草笑微微纔出水
秋來自有告成時

鄭懷齡 字商臣
邑諸生

家傳畧曰商臣爲人靜默寡言笑工書法詩多天
籟年僅三十二而卒遺稿失傳

暮春感懷 殘句

樂成詩錄 卷四

三

滿地落花誰載酒一天細雨獨憑欄

鄭景珉 字玉庭布衣
兩亭三子

玉庭少穎悟邃於學邑名宿林恆軒深相器重其
父雨亭先生亦以大成期之道充己酉院試案未
發出所作文質諸前輩皆未以爲可旋不第卒年
僅二十士林惜之

秋日山行

煙霞深處客踪稀獨步溪橋過石磯林下忽聞雙屐響
滿山紅葉一僧歸

玉溪山紀遊

玉溪多勝景遊賞意陶然山色斜窗外泉聲落枕邊蒼
松含宿露丹竈起殘煙卽此參元妙何須復學仙

朱

氏

居十七都巒前
莊享壽七旬餘

貞節錄朱氏裔出蕩南先生後自幼隨父讀書知
文義年十七歸連君彩次歲生子漸越三載君彩
亡氏和丸訓讀俾得入庠成名榮邀
旌典山陰周長發爲之立傳

哀吟

誰謂妾有夫未及三年夫已死誰謂妾命孤次歲生兒
夫有子不幸無夫幸有子無夫夫未死望夫默佑

子長生克承夫志綿祀作人

陳

氏

生員張士程妻
居邑西石馬

道光縣志氏年二十三夫亡誓死靡他
善吟咏壁貞之志見於詩歌里黨稱之

夜織見燈花有感

樂成詩錄

卷四

一點芳心冷似灰燈花黯淡爲誰開照人織得迴文錦

寄向黃泉也不回

釋德立

住雁山康熙時僧
著有藕花園詩草

白石山

雁蕩南去峰聯蟬此峰獨踞羣峰巔我膝過頤屨過頂
磴道盤空如上天既入其口坐其腹千山萬山齊拜伏
不知玉甌高何如但看金甌渺一粟半輪月掛海門秋
四野星低草頭綠天雞一鳴一而竟少猶抱孤雲宿

山居 二首

隱居雲外寺身世隔滄洲山冷偏宜夏潭清不待秋階
前猿作市竹裏鳥窺樓觸目皆成趣吟詩送白頭

置身邱壑裏不用世人聞杯茗誰同把瓶花手自分風

樂成詩錄

卷四

乾吹落葉石冷坐秋雲薄暮柴門靜前峰下鹿羣

釋心願

字道修住樂清白
龍洞嘉慶時僧

答人問白龍洞

白龍洞裏卽爲家客至巖泉好煮茶忽聞香馥郁

寒梅已着一枝花

一住多年萬事休居山有樂總無憂外人問我有何樂

水滿清溪月滿樓

世事從來不喜聞閒將兩眼看浮雲胸中妄念都消盡

只伴空山草木薰

白龍洞玩月

氣爽秋高玉宇融巖前獨立興何窮忽然走上團圓月
五蘊照來一樣空

白龍洞閒咏

石屋凌空任往還袈裟高掛自清閑洞天自古無賓主
雲住半閒我半閒

樂成詩錄

卷四

二

徵輯樂成詩錄并募捐啟

夫洪鐘懸簋不叩則清韻胡傳叢蘭在山不採則孤芳孰賞韞名珠於合浦誰識隋侯辨神駿於冀州適逢伯樂是以人獲人之室始運匠石之斤登鍾期之堂乃發牙生之響况夫編排桑梓摺嶺幽扇往哲之餘芳鐫偏隅之雅什敢不取資于

海濱人稱鄒魯田行白石謝靈運

官經題牘龍湫

杜審言摩巖宛在水甲兩間之秀氣篇章彰一邑之人文追溯前賢羣推名作王梅溪渾厚質直饒有元祐遺風翁續古秀潤清新亦具晚唐體格不趨世尚李季

和身隱五峯獨嗜詠歌朱雲松名高三老推之宗李者有君佐宗杜者有千峯丹邱沿七子之流二谷負千秋之望凡此翩翩之奇傑儘多落落之珠璣備在簡端垂茲不朽爾乃年湮代遠碣泯碑廢

山髭難覓吳江

之句皮藏秘閣誰登蕭氏

之珍未免醬

胝之覆問當時之遺稿朋輩多抃做笥之殘篇蠹魚肆虐及今不輯誰爲什襲之藏後會難期徒付沉淪之嘆安所得珊瑚滿架而錦繡盈囊也哉吾宗子謙先生著作林長清華望重以經神之後裔作文選之嗣音息未闕幽臨清風而寫韻半閒軒靜聽夜雨而長吟昔者

先生嘗刻四靈詩集矣寶劍光騰鏤金綵鎔固已不脛而走無翼能飛茲復以栗酒之光陰萃鄉邦之齒錄摺華近代抉隱前修繼東甌詩存爲樂成詩錄上自南宋下迄國朝既有美之必收幸斯文之未墜凡玉虹雁蕩遊客行吟蓋竹丹霞騷人

或子孫留手澤之貽體不譜牒衍縹緲之業屬旣往並乞相投俾得搜羅極分於前後凡

棄礫而存玉玉可照人披沙而揀金金皆擲地登諸梨

棗可徵文獻之存傳諸士林足備輶軒之採曾近堂復

起東甌詩集當必引爲同心蔡廷玉有靈東甌詩集亦

二

將推爲知已爰疏短引敢告同人各助刻資用襄美舉託文章之緣分竊相期集腋成裘冀戚友之扶持莫笑彼沿門托鉢解囊不吝諸君子諒有同情冥報相貽鄉先哲定昭靈爽

首拜撰

